

第十一冊

卷十五

商籍

卷十六上


藝文上

勅修兩浙鹽法志



勅修兩浙鹽法志卷十五

商籍



貿遷化居原無定處惟齟客各有住賣受屢為氓
是客也而氓矣隸之以籍而異地之才一皆
盛朝之譽髦也顧程材必先考德而或好修懿行湮沒
不彰曷以示勸是用表而出之志商籍

科目

明嘉靖四十年兩浙綱商蔣恩等為商人子弟有
志上進比照河東運學事例具呈巡鹽都御史鄢

東傳西海圖志卷一五
懋卿批提學道議允行運司錄送附民籍收考萬曆二十八年巡鹽御史葉永盛題爲廣開商籍以弘樂育事疏稱鹽課之增蒙睿照恩免商竈幸甚微臣幸甚顧安商心要於安商業而儲國課尤在諸國材臣謹查淮揚長蘆等鹽場行鹽商人子弟俱附籍應試取有額例惟兩浙商籍子弟歲科所取不過二三人而止浙地瀕海最邇煮販十倍他所取數若少則遺珠可惜回籍應試則阻隔爲憂伏乞聖慈廣作人之化憫旅寄之勞勅令在浙行

鹽商人子弟凡歲科提學使者按臨取士照杭州府仁和錢塘三學之數另占籍貫立額存例庶商籍廣而世無遷業賦有常經矣奉旨該部議奏部議覆允劄行提學道牌行運使編立商籍錄送考取入學節該遵行萬曆三十五年巡鹽御史左宗郢方大鎮勅立崇文正學兩書院買置學田以資膏火親臨講學督同杭州府學訓導訂期會課令官備試卷考校運司掌印官親爲閱卷出榜曉諭以示獎勵設立崇文會課冊籍頒示條約載入

規但前後考取雖多未有定額

本朝順治十六年提學僉事谷應泰批行該學查議據議覆兩浙商籍向分杭嘉紹溫台松六所每所合照小縣例取入八名內杭州所爲各商聚集之處量增二名共五十名撥入杭州府學二十名仁和縣學十五名錢塘縣學十五名通詳督撫達部准行順治十二年巡鹽御史祖建明爲禁約事查得學政於州縣正考之外另試鹽商子弟蓋念伊父兄挾資遠來爲

國輸將所以隆優恤之典廣進取之階近有等素不業鹽之人一遇考試冒認商籍賄賂衿暗結妄冀非分倖取是

朝廷優恤之盛典反滋冒濫之弊竇嗣後運司考試商童務查真正掣銷商人子弟方准報名入冊網紀商人查確具結後始許廩生互保進考如有冒籍賄結扶同察出童生枷號痛懲外保結廩生移會學道褫革仍嚴究父兄以杜冒濫之弊等因檄行運司移會學政衙門出示曉諭現在遵行

舉人

明

嘉靖戊午科

劉維藩

隆慶丁卯科

黃金色

凌雲鵬

隆慶庚子科

汪彥冲

萬曆癸酉科

程朝京

萬曆己卯科

李萬春

萬曆戊子科

黃日升

萬曆甲午科

汪有功

萬曆丁酉科

黃公敏

萬曆庚子科

吳伯銘

萬曆丙午科

吳達

萬曆己酉科

吳中良

萬曆壬子科

朱濟之

萬曆戊午科

程近信

汪漸磐

吳麟徵

天啟辛酉科

潘文燦

朱稷

天啟甲子科

孫調元

崇禎丁卯科

畢崇道

崇禎庚午科

吳汝寧

崇禎癸酉科

汪有道

查繼佐

祝淵

崇禎丙子科

黃澍

劉廷獻

崇禎己卯科

吳山濤

吳聞禮

曹廣

汪颯

崇禎壬午科

王維蕃

查繼甲

國朝

順治丙戌科

劉兆元

黃光壽

方躍龍

順治戊子科

吳涵

汪繼昌

順治辛卯科

吳元石

趙吉士

程光禔

朱士綬

徐旭齡

汪逢年

方日章

胡文學

順治甲午科

程暹

吳鑛

順治丁酉科

汪兆璉

汪溥勳

改名肇衍

查學詩

順治庚子科

鄭吉士

潘沐

程霖

康熙癸卯科

吳觀垣

何恭錫

程萬鍾

康熙丙午科

黃士塤

祝翼權

康熙己酉科

張玲

汪鶴孫

康熙壬子科

汪以澄

康熙乙卯科

程斯敏

許用光

康熙丁巳科

胡德邁

鮑夔

陳培

汪士秀

孫名佐

戴紱

康熙戊午科

汪煜

汪麟孫

汪兆璣

吳之琦

祝翼恒

康熙甲子科

祝荼

吳燿

程鏞

趙景行

康熙丁卯科

程揚

程兆鵬

康熙庚午科

吳筠

祝翼模

康熙癸酉科

許觀光

康熙丙子科

祝安國

戴晉

吳煥

洪勛

康熙己卯科

金樟

吳璉

康熙壬午科

吳國鑣

曹士璋

祝詒

王璉

康熙乙酉科

程希畏

唐德培

江發

康熙戊子科

何景雲

姚之駟

吳觀域

汪繼燦

汪楷

周琰

康熙辛卯科

戴永椿

仇邦楷

汪泰來

康熙癸巳科

周灝

江倫

康熙甲午科

汪坤

康熙丁酉科

戴洪滋

汪元文

康熙庚子科

汪振甲

汪龍甲

吳問鄰

汪銓

程餘慶

汪援甲

吳曰章

吳煒

雍正癸卯科

朱徽

汪金城

汪由敦

王瀛洲

胡旒

戴永樸

雍正甲辰科

吳邦煥

姚之馴

江作楫

汪徐堅

雍正丙午科

汪弘禧

戴炳

方琦

進士

明

隆慶戊辰科

黃金色

隆慶辛未科

汪彥冲

萬曆癸未科

程朝京

萬曆甲辰科

汪有功

萬曆己未科

汪漸磐

東作內江縣志卷之五
萬曆壬戌科

吳麟徵

天啟乙丑科

吳彥芳

崇禎戊辰科

程近信

崇禎丁丑科

黃澍

崇禎庚辰科

曹廣

崇禎癸未科

吳聞禮

國朝

順治己丑科

劉兆元

方躍龍

汪繼昌

順治壬辰科

吳元石

劉廷獻

胡文學

順治乙未科

徐旭齡

順治戊戌科

吳鑛

順治己亥科

吳涵

康熙甲辰科

汪肇衍

程萬鍾

康熙丁未科

汪溥勳

康熙癸丑科

汪鶴孫

黃士埏

祝翼權

康熙丙辰科

潘沐

康熙壬戌科

汪兆璣

康熙乙丑科

汪煜

康熙辛未科

戴紱

祝翼模

康熙庚辰科

吳之琦

鮑夔

金樟

康熙癸未科

吳璉

吳煥

祝安國

祝詒

康熙丙戌科

洪勛

康熙己丑科

吳筠

何景雲

吳觀域

康熙壬辰科

汪泰來

康熙癸巳科

江發

康熙戊戌科

戴洪滋

康熙辛丑科

姚之駟

雍正癸卯科

戴永椿

周琰

雍正甲辰科

汪由敦

胡煖

武舉人

明

萬曆戊午科

鄭翔

崇禎庚午科

項對明

崇禎丙子科

吳之哲

崇禎己卯科

黃長文

黃志升

許昌

崇禎壬午科

吳崇

汪俊傑

黃賡

程世芳

黃猷振

國朝

順治戊子科

程士然

順治甲午科

賀若弼

姚瑛

順治丁酉科

王之策

畢成龍

汪賡

順治庚子科

戴超

康熙癸卯科

汪亢宗

吳時懋

趙靖士

戴晉侯

胡璋

王昀

康熙丙午科

胡守恩

吳士雄

康熙己酉科

吳浚

吳檀

程鉶

程遠

胡國瑛

項逢琳

康熙壬子科

王廷瑚

吳自道

吳修年

吳兆龍

康熙乙卯科

吳士貞

吳全斌

張祖良

程文琦

康熙戊午科

胡士毅

王廷璟

王效忠

康熙辛酉科

汪志灝

吳之熊

康熙甲子科

程之棟

康熙丁卯科

汪志顥

查莘

康熙庚午科

吳士坤

宋朝誥

吳蕃

康熙丙子科

吳世正

葛寅

吳豐年

康熙己卯科

李國器

葛宸

黃天泓

胡天恒

康熙乙酉科

黃揆臣

葉芬

康熙戊子科

黃江祐

康熙辛卯科

葉崇

王德純

王機

汪圻

康熙癸巳科

吳元忠

康熙甲午科

汪煌

吳之杞

康熙丁酉科

王惟松

李世勳

康熙庚子科

鄭信

康熙癸卯科

吳士

葉樞

鄭仁

汪家坤

雍正丙午科

王嗣武

張應虎

江煦

武進士

明

崇禎癸未科

黃賡

吳棠

國朝

順治辛丑科

王之策

汪賡

康熙甲辰科

汪亢宗

趙靖士

胡璋

康熙庚戌科

戴晉侯

胡守恩

胡國瑛

康熙癸丑科

吳兆龍

康熙乙未科

程文琦

康熙辛未科

汪志灝

康熙癸未科

葛寅

康熙壬辰科

王機

康熙癸巳科

葉芬

康熙戊戌科

王德純

李世勳

貢選

明

朱萬祚 歲貢生

程得昌 選貢生

王公廉 歲貢生

鄭俠如 副榜

吳大珍 副榜

何萃 副榜

吳夢鼎 歲貢生

汪汝祺 恩貢生

程章 副榜

吳爾昇 拔貢生

國朝

王維新 歲貢生

程廷誥 歲貢生

汪蕙 原名璽 拔貢生

徐如珩 歲貢生

王祚葵 拔貢生

程期昌 歲貢生

葉生 歲貢生

葉敏芳 歲貢生

金九佐 歲貢生

趙文燿 歲貢生

程鴻寶 歲貢生

汪象乾 恩貢生

范與良 恩貢生

葉長春 恩貢生

汪兆璋 恩貢生

查函 恩貢生

范旒 恩貢生

趙端 恩貢生

孫允成 恩貢生

汪定國 歲貢生

程最昌 歲貢生

汪齡 恩貢生

吳來周 恩貢生

戴晃 恩貢生

潘景文 恩貢生

汪時英 恩貢生

曹序 歲貢生

汪文楨 歲貢生

曹肩吾 歲貢生

汪培錫 歲貢生

汪旦 恩貢生

胡日佐 恩貢生

朱從達 恩貢生

葉萼 歲貢生

汪翊 歲貢生

汪樾生 歲貢生

戴璵 歲貢生

吳炳 歲貢生

江以貫 歲貢生

汪于翰 恩貢生

倪璠 恩貢生

吳淙 恩貢生

汪兆瑚 恩貢生

汪霖 歲貢生

汪于藩 歲貢生

金塾 恩貢生

吳嘉謨 歲貢生

吳世楷 歲貢生

汪天柄 恩貢生

金學洙 歲貢生

倪瑞錫 歲貢生

吳也魯 歲貢生

曹坤柄 歲貢生

吳澄 歲貢生

汪曾垣 歲貢生

葉菁 恩貢生

程世楷 歲貢生

汪纘烈 恩貢生

吳琛 恩貢生

朱昱 恩貢生

程隆基 歲貢生

程葵 歲貢生

吳祖謙 歲貢生

吳吉文 歲貢生

徐治 歲貢生

程斯敦 歲貢生

汪光被 副榜

汪璋 副榜

潘景暉 恩貢生

汪天樞 恩貢生

吳有文 恩貢生

王廷璧 恩貢生

程大豫 拔貢生

程旭 拔貢生

胡漣 拔貢生

許穗 拔貢生

曹揆文 拔貢生

戴芝 拔貢生

汪文樞 拔貢生

吳瑋 拔貢生

汪端 拔貢生

葉世寵 恩貢生

汪燧 恩貢生

曹鵬南 恩貢生

汪志道 恩貢生

朱奎 副榜

汪躍 恩貢生

汪體仁 恩貢生

汪行義 恩貢生

吳嘉 歲貢生

潘兆鼎 恩貢生

汪于高 恩貢生

汪紳文 恩貢生

程德登 恩貢生

趙景徹 副榜

程學濤 恩貢生

吳甲偉 歲貢生

程名高 歲貢生

汪圭錫 歲貢生

汪光禕 歲貢生

汪作賓 歲貢生

胡桂 歲貢生

吳鑰 歲貢生

汪守湜 歲貢生

方光燦 歲貢生

汪天樽 歲貢生

程之彬 歲貢生

汪世敦 歲貢生

程學源 歲貢生

余文濟 歲貢生

朱禧 歲貢生

汪健師 歲貢生

倪濤 歲貢生

葉廣元 歲貢生

孫文錫 歲貢生

黃棊 副榜

查魏旭 副榜

汪清泰 歲貢生

黃寵 歲貢生

程琮 歲貢生

吳遠謨 歲貢生

汪立名 歲貢生

汪肇聯 歲貢生

鄭學成 歲貢生

程文邵 歲貢生

江之巒 歲貢生

江殿桂 歲貢生

曹景 歲貢生

汪煒麟 歲貢生

江以楫 歲貢生

朱鶴年 歲貢生

鮑球 歲貢生

謝琨成 歲貢生

程其成 歲貢生

汪廷桓 歲貢生

孫蘭 歲貢生

倪琬 歲貢生

汪鎮 歲貢生

汪浚 歲貢生

姚廷傑 歲貢生

宋春暉 歲貢生

汪廷對 歲貢生

吳國銘 歲貢生

葉世寧 歲貢生

葉世宸 歲貢生

朱明倫 歲貢生

汪建封 歲貢生

曹德潤 歲貢生

汪為熹 歲貢生

吳元鉞 歲貢生

金 棧 歲貢生

張大成 歲貢生

汪應昌 歲貢生

吳觀陞 恩貢生

王德清 歲貢生

吳晉錫 副榜

胡 深 歲貢生

汪崑琇 歲貢生

汪天樹 歲貢生

葉 松 歲貢生

姚嘉會 歲貢生

吳 椿 歲貢生

吳一椿 歲貢生

吳國鉉 歲貢生

吳曰燧 恩貢生

汪廷英 歲貢生

吳陞楫 歲貢生

汪掄柱 歲貢生

吳 寬 副榜

汪守澂 歲貢生

汪 汲 歲貢生

吳 崧 歲貢生

汪志宸 歲貢生

沈 壘 歲貢生

汪鳴鳳 歲貢生

汪 汾 歲貢生

王 瀛 副榜

李昌祺 副榜

汪廷元 歲貢生

吳 焯 歲貢生

吳 燧 歲貢生

吳瑞增 歲貢生

許 浩 歲貢生

汪泰寧 歲貢生

汪緯辰 歲貢生

汪鳴瑞 歲貢生

汪綜辰 歲貢生

江正衡 歲貢生

人物

明

黃金色

字鍊之休寧人仁和籍隆慶戊辰進士授晉江令敦教化厚風俗預修海防巨寇曾一本

以戢再任德興令多惠政陞南京戶部主事以嚴正不阿權相為給諫某誣罷踰年起南禮部祠曹會廷議王守仁從祀有異同者金色抗疏與辨復撫疏中語賦詩以上執政時論躉之值大旱具疏以純心格天為言得俞旨又疏陳六事曰緩刑辟寬逋負慎起用明學術開言路嚴修省因忤貴近移疾歸久之起南比部郎歷廣西參議道著有四書述說性鑑蒙求等書載休寧縣志

程朝京

字元直休寧人錢塘籍萬曆癸未進士授江西鄱陽令邑多逋賦京立週知實徵二冊課

遂如額靖難時廷尉胡閏殉節坐戌者數十家已歷二百餘年未得釋京按籍除之且祠廷尉於芝山歲大饑捐贖鍰二千金畀富民市穀分十二區平糶存活甚眾陶丁乘饑倡亂鑿鵲湖之礦推藍芳威為首聚眾六千一夕建寨三百餘所京悉令居民保甲團守率丁壯去鵲湖一舍而陣賊勢窘遂降京力言芳威於上官貸死戍邊後卒為名將舉卓異授南刑部主政晉禮部郎擢泉州守乞養歸母病衣不解帶沒廬墓三載服闋補永平守時稅璫方熾京議以他費克稅毋擾民璫聚黨將為變京悉鋤之因灣水運天津糧至闕家口省輓輸數倍晉漳南憲副載休寧縣志

汪有功

字祖倩歙人錢塘籍萬曆甲辰進士宰蒲圻

臺疏十餘上如勸青宮講學劾巨璫亂閩當誅藩宦不當僭祭孝陵與不便蘆田管業及張差肆逆

危及國本當會訊窮治其姦俱切中時弊按江南捐贖緩二萬餘以論張差事忌者乘間中以危法尋得白擢行人司副陞尚寶寺丞載歎縣志

汪

翥

字念初歙人萬曆乙卯舉於鄉上邊策特賜進士歷任遼佐累任至總兵緣勦高麗駐兵

覺華島天啟初閣部孫承宗經畧遼東委翥司陶事築寧遠城後與經畧議不合棄職歸隱錢塘之安溪山及方一藻代經畧迫起之加都督同知賜蟒玉師駐松山兵寡糧盡力守歲餘城陷死之子僑字思古甫十二齡尋收父骸遍歷險阻九死一生得之戰場中遂奉母同載歸里人咸謂父忠子孝云事詳錢塘縣志

汪漸磐

字石臣休寧人浙籍萬曆己未進士令高要

邑當兩廣之衝殫力拊循嚴馭吏寬治民六年課第一時魏璫用事引病去嗣晉儀曹陞山東督學僉事主貢選及丙子鄉試所拔皆寒畯時考

天下學臣績又第一遷克東兵備道磐究心理學受業於龍溪王畿所至正文體端士習羣推有迴瀾力著尚書宗印宋賢事彙行世載休寧縣志

吳麟徵

字聖生休寧人萬曆戊午登浙江榜壬戌成

進士歷任吏科給事中剛直不阿嘗面折首輔於朝李賊犯京師徵守西直門城陷自經守所皇清賜諡貞肅事詳浙江省志

汪汝吉

歙人總角時父貿易江淮間二十年不歸吉

長日念父悲號白其母曰兒不見父何以爲人遂泣別出門踰越險阻足跡幾遍天下凡窮鄉僻壤無不密爲諮訪越二十年遇父於蜀之瀘江奉以歸里時父年七十餘母猶存吉年亦五十矣形容枯瘠鬚髮俱白家人不識也

吳麟瑞

字思玉萬曆進士任常州府推官一切豪右

繩之以法疏剔白糧織造諸弊以蘇民困妖人葉朗生馬道人煽惑吳越間瑞計擒亂首誅之歷任參政分巡九江流寇擾江楚駐節袁州作瞽

論萬言極陳時政之弊不得達告歸尋起偏沅巡撫時三楚已陷瑞破產募勇士束裝就道適兵部奏裁沅撫遂回籍後聞弟麟徵殉難痛哭得疾作自祭文而卒事載浙江省志

程元瑜

歙人萬曆丙子舉於鄉授溧陽教諭署縣事值歲旱瑜步禱烈日中暑氣鬱蒸遂構疾卒

贈縣令其曾姪孫川編集遺文十餘卷行世

葉應元

字仁伯原籍新安徙武林為郡庠生註易解闡連山歸藏之微發王弼管輅所未發詩文

贈炙藝林講學授徒髣髴驚湖鹿洞有司屢徵辟不起事載錢塘縣志

吳曰慎

歙人崇精理學著有周易本義翼巡撫張伯行上其書

御纂周易折中多採其說從祀

朱子學者稱為敬庵先生

汪文演

字以道號賓石萬曆時中官高時夏奏加浙江鹽稅演上書御史葉永盛得免歲征十五

萬又與同邑吳雲鳳興商籍如河東兩淮例歲收俊士如額建崇文書院以祀朱子而立十八州縣配引行鹽之法課源不匱至今賴焉同邑潘景升為作傳華亭董其昌書

汪汝謙

字然明歙叢睦人萬曆丙子貢生年十三而孤嶄然如成人事母捧手肅容視氣聽聲七

十年如一日於諸兄姊同仁均愛從無間言收族三黨婚嫁葬埋及緩急叩門無不應為人量博而智淵善屬文有春星堂文集夢草軒詩集雙青閣法帖行世業鹽桐江急公辦課杜絕私販桐民至今賴之子孫曾元以科第世其家稱望族云事詳錢謙益有學集

吳元溟

字澄甫自歙徙錢塘精醫萬曆間浙大疫隨父道川施藥療治日活多人事繼母至孝女

弟少寡無依養之終身故人程某負課千金久繫獄溟代償之崇禎庚辰歲大饑溟出橐金糴米五百斛散給親友與同郡王道焜雲間陳繼儒嘉定黃淳耀交契官光祿寺署丞壽八十二

程紹文 字闇然號鶴峰歙西塘人總角時以孝行稱年十二補博士弟子員中天啟辛酉副榜講

易西湖與虞山錢謙益同里汪汝謙發明義理時
建崇文書院事載浙江省志
著有鶴鳴集程子類纂等書

吳文清 字元鑑父岷泉慕神仙遠遊不歸文清年十
四告母尋父裹糧歷諸省會險阻備嘗卒從

中州物色得之相抱痛哭堅請歸里色養終身有
司屢辟不起後清病子弘模割股祈代康熙甲子
模子耀舉孝廉
載錢塘縣志

宋應祥 家貧有志操客池陽旅舍得練囊於藁蓐間
貯二百五十金祥止三宿不去有許邦偉者

偕其弟邦佐踉蹌來問主人遺金主人許之許情
極欲赴水死祥得實還之許以半為酬堅不受同
舍義之子承武博學能文力葬三世恩撫五甥孫
瑾能世儒業述其父勸學文與居家服官格言範

世載浙
江省志

吳 暉 字宜中生有至性年十二父紹昌以貢赴闕
中途疾發卒於舟中櫬歸暉徒跣哀號一慟

幾絕事母備極孝養年五十不改孺慕居憂服闋
遇諱日輒易服涕泣如新喪叔紹達無子暉以禮
當繼孫乃以次子籀出嗣復經紀其兩世喪葬獅
子峰下後自營葬即附其傍曰吾以此慰叔父心
也

以明經授分水教諭年八十七
子筠康熙庚午解元已丑成進士

汪尚廣 字大中號思苓歙人勇於從義時歙河淤塞
廣請於官首倡疏濬歙人至今賴之少保胡

宗憲以平倭功遭讒罷祀廣論復之先是廣祖誠
義因賦役繁重有免征之請有司不能行里中尤
苦絲稅廣控於大司農奏悉平之郡守董石表其
廬曰世德重光來游武林開商籍濬運河立義倉
修道路執政上其事於朝予爵一級事詳
陶望齡集董其昌黃汝亨陳繼儒各有傳

吳之龍

字雪門歙人生有異姿治春秋八歲完三傳落筆成章長游武林從學使葛寅亮講學湖

南業日益進屢蹶棘闈遂絕意進取謁選得光祿丞與米友石劉半舫諸人日倡和詩迅發老健不

樂繩束還隱西湖結竹閣社四方詞人無不歸之瘦筇過頂白髮飄然人稱地行仙云載錢塘縣志

汪文華

字君實歙庠生性至孝母歿廬墓三年哀毀骨立遂得疾尋卒父衡字南嶽業浙齋數十

年人咸服其公直鄉人有欲棄產者嘗與其值而不收其業誠慷慨慕義人也

吳憲

自新安來錢塘器識為人望所屬初試額未

有商籍業齋之家艱於原籍應試憲因與同邑汪文演力請臺使設立商籍上疏報可至今歲

科如民籍例科第不絕皆憲之倡也教子醇謹深得王昶命名之意四子俱壽至九十餘人咸謂吳氏有陰德云詳浙省郡縣各志

汪之琦

字奇玉休寧人生稟異質為錢邑諸生著作甚富精岐黃於齋務尤諳練一時業齋者爭

相延致決疑問難掀髯立辨人服其才崇文書院舫課之會與諸友創始實首壇坫有雞窻尺牘行世子岳字岳如積學能文入海寧庠著舒嘯堂集

吳鳳翔

歙人崇禎時由商籍入仁庠潔清自矢劇愛黃山西湖焦崑諸勝日持一杖挂一瓢任意

往來有所作即投瓢中自號天瓢子族子昌集其文名曰天瓢集

吳敏惠

休寧人業齋來杭建城東土橋新壩費萬金不貲商民均利至今土人猶稱為吳公新壩

國朝

黃澍

字次公休寧人錢塘籍崇禎丁丑進士授開封府推官與闖賊拒守三年擢江西道御史

奉命發帑金存問周藩賑卹兩河南北復命實授巡按湖廣監軍進勦張獻忠有功

本朝順治二年授九江兵備僉事陞湖南提學參政歷福建興泉副使卒年五十七事詳休寧縣志

吳夢鼎

字仲鎮休寧人補杭郡庠生由庚辰歲貢舉賢良方正順治二年浙撫張純仁知其才委攝蘭谿縣事時窄溪土寇竊發捍禦力竭罵賊不屈死之載錢塘縣志

汪用成

字克賢號濟懷歙人少以孝友稱年十四家中落嘗從百里外負米養親每漏盡出至次日漏下歸罕有知者過婺州南門拾一布囊啟視皆黃白伺其人還之迄今八詠樓前猶艷稱其事明末奉母避跡山陰時風鶴交警逆旅中凡寢處服御以及甘旨之供一如平時尤人所難魯藩強召再三佯狂不就因著有狂吟集

吳山濤

字岱觀崇禎己卯舉于鄉三任學博授陝西鞏昌府成縣令彈丸小邑且當殘破後錢糧協濟民艱甚濤力請題改邑人戴之任二年致任投老湖山嘯歌自得書法秀逸自成一家兼善作畫殘縑斷繒皆為世所珍惜出關日賦西塞詩三十首因自號塞翁年八十七無疾終載錢塘縣志

程光禔

字奕先新安人寄籍錢塘順治辛卯舉于鄉生平孝友醇謹出宰湖廣石門縣清廉惠愛一時翕然有名杜稱

鮑經綸

字欽生歙人業鹺寄籍錢塘順治辛卯舉人授陝西鞏昌令叢山劇邑民蕃雜處前任以逋賦累于官者六人壬子秋淫雨不止綸單騎三赴臯蘭泣陳其事始得題蠲賦額鄰封四邑亦得邀赦竟以勞瘁卒于官白陽閭井等戶各建祠祀之蕃人哀悼之聲聞數百里事詳錢塘縣志

趙吉士

字天羽號恒夫順治辛卯舉人任山西交城令地僻而險明末羣盜踞其中吉士至縣即閱武于郭南申明保甲團練之法奉檄進勦先日置酒張樂越宿復邀賓從剪燭賦詩子半送客出郭即疾行四十里饗士卒于水泉灘進胡蘆川據三坐崖賊皆驚逸獲渠魁數十餘黨悉降又開高離山通水道溉田十萬餘頃治邑五載凡修學宮立義倉次第具舉又罰贖令種柳于清源水間

延袤四十里夾道垂陰民號曰趙公柳巡撫上其績徵為戶部郎旋授戶科慷慨直言凡民情疾苦條晰無遺後以著述終老寄園奏疏外有交山平寇四卷音韻正訛四卷詩詞數十卷年七十九

胡文學

字道南順治壬辰進士任真定府推官時巨寇高鼎據恒之西山絕頂并代絳晉俱騷動

文學一意招撫鼎率眾出降擢福建道御史出按兩淮鹽法輯鹽政通考著淮鹺本論內陞京堂需次歸康熙十年

召赴京師至濟上以疾歸卒詳浙江省志

吳雯清

字魚山號方漣歙人順治壬辰進士授潯州司李時粵西初闢官無解舍結茅而居容色

自若案牘中有大疑滯訊鞫立剖會峒寇薄城下民驚竄清堅守不為動城賴以全未幾寇引兵窺潯兩臺將勦之清不可單騎入賊壘曉以大義寇皆攝服來降兩臺交章薦之

召為江南道御史疏請慎重民牧禁邪教造督捕獄舍並得

俞旨所著有寒潯吟星槎草

聞見錄行世見歙縣志

徐旭齡

號敬庵休寧人錢塘籍由順治乙未進士歷官總漕潔已愛民多惠政卒於官

諭賜葬諡清獻先世居玉山父一鴻徙家錢塘仍授

徒於故里順治戊子山賊竊發鴻被害辛卯齡往求父屍走邑之四都長號於途夕暝遇樵人止宿為言曾識鴻當求之西邨管平山中是夜夢父攜

示屍所且曰問之毛廿八齡即戴星往有一媪見之曰君非徐先生子耶先生被害於魯家倉齡拜

之復行風雹大作齡慟哭絕壑間有虎突躍過不為害忽見童子跨牛背而歌齡叩之引入茅舍一

父老出齡曰丈人非毛廿八乎父老驚駭告以故乃指空林間土微掩處齡恍惚如夢所見急齧指

汪之萼

字壑庵歙人母病中夜泣拜於庭剗股肉二寸投藥以進母即愈後寓婁東父病劇倉卒

歸誤入盜艘萼終夜號泣盜憫其孝舍之盡奪其囊篋而去惟篋有一硯為父所珍萼乞還硯盜擲之草間比歸父歿葬南屏山萼廬墓終身遂歿墓所長子于翰能文章有聲庠序家世業齧有蘇松瀕海票地崇禎十四年萼議請建所陞課增引併設官署翰承先志于康熙七年赴部呈請一如前議額銷至九萬餘與弟翼雲于高于藩一堂聚處兄弟友弟恭食口四百餘人共一困庖家庭禮讓肅若朝典仕至徵仕郎內閣中書

汪士喟

字仲修歙人補錢邑庠少有大志每以忠孝自期康熙甲寅耿逆之變獻平閩八策和碩

康親王雷侍軍中劄委同知乙卯夏隨王師進討克復永康縉雲等縣時被掠子女哭聲載道

喟具啟親王盡得遣歸是年九月奉親王諭入閩招撫為逆黨曾養性祖弘勳所執慘毒備加罵賊以死康熙三十九年巡撫張泰交批准崇祀鄉賢事載錢塘縣志

江之崑

字玉隣歙人業鹺常山縣康熙甲寅夏閩逆亂賊帥吳安邦入城崑被擒罵賊不屈賊怒

欲殺之子世晟求代父死同日被戮崑妻張氏長媳曹氏欲自盡孫女如娟大呼曰請先母死無取辱曹先勒殺之二氏遂自縊忠孝節烈備於一門事載常山縣志

吳瑗

字伯玉性孝友好學能文當魏闖竊柄海內競建生祠謀侵瑗父所建考亭書院地瑗毅

然拒之生平不好釋氏嘗曰人不思聖賢至老畏死則口作異域語以求懺悔殊可鄙也順治間子鑛以進士仕粵西瑗諄諄以公明平恕勗之兄弟四人俱九十餘歲晚居湖上不入城市人稱一門四皓云載錢塘縣志

吳琦

字稚圭明思宗時大司馬閔夢得薦賢良方正授別駕謝不應天性純摯鍵戶讀書手不

釋卷著尚書翼註行世與其兄瑗弟璠琰年並登九十里人為繪商山四皓圖以貺之載仁和縣志

吳

璠

字子璣父憲疾革璠剖股以進居母喪泣血三年目為失明康熙甲寅值閩變鄰郡子女多被俘掠璠傾家資代贖完其父子夫婦者幾千人又杭會四方雜處多客死無所歸者璠創悲智社釀金殮之歲率為常臺使者歷旌其門年九十三以壽終事載錢塘縣志

吳名溢

字我匏崇禎間補錢邑諸生時婁東甬上諸名宿舟車絡繹皆主其家鼎革時棄舉子業不復出兩喪皆廬墓著喪禮註晚年構藥園于城東與嚴沆查繼佐柴紹炳關鍵丁文策袁于令祁豸佳吳山濤輩觴詠其中有藥園盍簪集查繼佐序云明季文體詭變尚諸子雜說仙釋語錄溢沈酣六經闡發實義作麟經詮解考三傳互異折衷諸家著春秋詳註嚴沆嘗語人曰林巒標致當推是公非晚近人也卒年七十六載錢塘縣志

戴大受

字與可號華琳早年即棄去舉子業嗜古力學凡諸子百家無不博覽尤精研五經傳註

務為窮理之學於性理一書尤鉤元探奧因喟然曰聖賢之道聖賢之心也聖賢之心亦即吾心也嘗中夜賦詩有云靜契羲圖明月近壯觀帝典惠風和又云俯仰悠然文字外風行海宇月行天其造詣如此自少至老每十載輒成一書皆手自編輯其已刻行世者曰世寶錄醒心錄蓄德錄蓋集古嘉言懿行而品節之多與人為善之意其老年刺草及美拙百詠皆發舒胸次所得見錢塘縣志次子尚友天性孝友嘗闢一圃為色養地昆弟終身無間言三子尚霽以孝友重于鄉一生禮法自持與其兄並以耆德稱孫儒冠仁庠洪滋成進士任陝西延安府安定縣有循聲題改涇陽縣汪勳原名起鰲字匡洽號岵菴歛人補杭郡諸生就順治戊子江右萑苻竊發壤接徽郡四境剽掠勦詣閩帥乞師掩捕帥發卒千人擒治里中獲安勳供芻糧具牛酒師猝至餉槁不移時而備帥深器之父遭誣逋賦動以千計勳挺身獨任不以累

弟姪晚事母孺慕猶若嬰兒歲時致祭克盡孝享他如弘推解調貧乏矜意氣重然諾皆其天性然也孫泰來乙酉

名試充

武英殿纂修成壬辰進士官潮州司馬

鄭吉士

字有章歙人少孤力學年二十中順治庚子鄉試數上春官不第就教職初任桐鄉殫心

訓迪暇輒掉小舟就各村鎮集生童而校之改衢州教授所陶淑者甚眾陞四川樂至令蜀殘破既久墾荒者多占土民已熟之產因匿糧故為所占吉士令其自首完賦遂為定業民便焉上官聞之檄行通省準是為法以年老乞休著有敝篋詩存數十卷

朱恒孚

字子鶴年十四割臂肉以療父疾明季歲歉嘗佐父襄賑里中樂善不倦同懷七人友愛

至老嘗推己宅讓其兄又仿蘇氏族譜范氏義田立省墓法儀文器具畢備侍御顧豹文為文以表其事

吳文翰

字元濬篤志力學幾失明補郡庠生未幾入龍泓山著書自娛時與方外為蓮社遊登山

賦詩寄託高遠郡守嵇宗孟思見不得乃屏車徒就山中訪之相見寒暄外無一語及時事嵇大歎服而去事載錢塘縣志

吳紹昌

字有聲歙人寓錢塘屢中副車稟性孝友與人交不苟合尤欲以禮處人有故人子來謁

不拜紹昌責之曰吾父執也命之拜改容而接之同里有負人多金者迫歲除竟欲死紹昌急以金授之曰金易耳何至輕生耶其好義類如此事載郡邑各志

江廷光

字大紳歙人祖業鹺遂居杭時值中落父世楠客崖州卒光奔喪赴崖適父柩為海水漂

沒光沿海濱哭尋三晝夜見沙際一棺驗得題記一慟嘔血數升力疾徒步扶襯悲號中途嘔血不起有僧見而憐之納其父柩于庵且為殮焉

吳以鏗字在梵幼孤與伯兄竭力事母以孝友聞鼎
革後隱居教授生徒不求仕進家藏書數千
卷手定丹黃凡有裨於世道人心者抄集成編
名迪德錄徵士吳農祥為之序詳錢塘縣志

汪鳴瑞字旃來號白史歙人九歲能詩讀書通大義
國初隨父渡錢塘主光祿徐二采家總戎方

拜之光祿叱童子不應鎮娶將軍朱大典至則踰階
忠邪兩途不敢妄拜未幾土寇竊發購瑞父甚急
時瑞父匿壁間賊竟持瑞去瑞笑給之曰惜吾父
往杭若在此肯令若擒我耶賊信其言乃得釋年
十二補仁和諸生聲稱籍甚與叔用嘉有大小汪
之目事親孝色養七十年讀禮之日不改孺慕先
是浙撫陳秉直徵宏博科金鉉舉賢良粵撫金聲
辟廣州倅俱以親老辭不就卒以明經老兩浙商
籍入學無定額瑞陳學政遂定其數運使高熊徵
開紫陽別墅課在籍諸生瑞力贊成之甲寅之警
濱海歲供不辦瑞挾策上書全活甚眾著有燃石

草十六卷程墨青來選本行世善書尤工飛白
手書格言八則訓子健師晉師卒年七十三

程光禔字香升食餼仁庠生平敦孝友古樸自處力
以修脯膳寡嫂寡姪媳請表雙節得沐

恩旌

汪之涵字偉生新安人襟懷開朗遇事果斷順治初
以才望與薦辟當得縣令謝不應授餘杭訓

導捐葺學宮請廣入學額侍郎嚴沆稱其端規礪
俗有安定之風紳士為勒石明倫堂以頌之未幾
歸家著書自娛年八十
餘卒載錢塘餘杭各志

吳秋字雁市十歲能詩立志不肯下人已乃見章
洪遂驚禮曰是吾師也淇于古文則師昌黎

於詩則師孟郊盧仝而秋獨創為生割排突之調
跳蕩自喜遊京師諸貴人招之不往遊西江李侍
講來泰集名士與飲酒酣大聲曰吾浙中名士僅
四人問其姓名則曰吾師章洪次則吾宗志伊復

問不答時多浙人在坐深惡之康熙甲寅由閩入粵時耿逆未平所善友為亂兵所縛徒步千里往救之轉客沅湘間歸疾作且卒歎曰吾死無繼吾為詩古文者見錢塘縣志

汪用嘉

字南炎號夔亭歙人隨父來浙補紹郡諸生嗜古好學于書無所不讀尤邃于周易性至

孝藉修脯以供甘旨怡然色養年四十會母喪泣血三年哀毀成疾瀕死者再乃棄去舉子業隱居授徒發明先儒性理諸書奧旨從遊者日衆生平持已端方而不忤于物接之者如坐春風後遊京師時錢塘黃機為大宗伯甬江史大成為大司成皆布衣交勸畱京師嘉不應南歸著有借山樓詩文集十二律方圓圖大易廣互圖大易兒訓等書

吳維楨

字左廷隨父名溢授經名溢名噪復社維楨以總角從遭歲歉輟業年十六事居積奉養

二親垂白同孺慕年六十餘遭母喪哀毀骨立與弟嘉枚同室居女兄貧迎養於家終其身性伉直

不屑屑與人寒溫及人有急難輒推解排救不少靳事已無德色尤篤族誼方閩逆倡亂民間子女被俘楨捐千金倡贖事聞制府李之芳深獎異焉以子炳官封國子監學正壽八十有六卒之日作自述一篇以詔子孫畧云心靜神閒利欲不沾於中聲色不淆于外便是養生之道又云言為心聲心細則言不妄又云持情必平處物必恕恩欲人知便是假恩德欲人報便是薄德觀斯言也殆亦聞道者歟載

錢塘縣志

汪宗縉字元宰號靜庵黟人少嗜學隨父徙杭父歿

全活甚衆浙撫范承謨修築官塘創助多金衆建崇文書院捐貲獨先至于疏引緝私有關國計諸務當事皆諮訪焉年八十一以子肇衍官封奉直大夫崇祀鄉賢

葉生

字又生號柞庵歙人仁和籍少孤貧好學入深山鍵戶十年不出山中積雪兼旬生自炊

糜讀書不輟以明經薦為溫州訓導設立學規集六邑諸生而課其藝不期年士風丕變溫士請于學使者從祀名宦著有麗宗簡存因是錄最古園皋嘯集等書行世載杭州府志

吳日紅

字旭初號慎齋休寧人天性孝友歲時食物必先奉其親親食始食母病刲臂肉和藥以

進病稍痊後復不起日紅哀痛過甚死而復蘇日於靈几前進酒設奠事死如生既服闋每逢忌辰嗚咽不勝生平好施與修途路造河船凡三黨之貧乏者莫不周卹壽七十餘

汪肇衍

字子四黟人業鹺居杭康熙甲辰進士授庶常改刑部主事纂修

本朝實錄授編修壬子典陝西試稱得人乞假終養以孝稱性恬退嘗徒步閭里遇塾師執禮甚恭事諸父如兒童時生平敦實行黜浮名崇祀鄉賢事載浙江省志

汪于高

字昭武號睡庵之萼子也性至孝如其父廬墓得疾高年十一獨行省親十里外迷所

向遇親故欲挈之歸不可因與偕往父歿事諸兄尤循謹勇於行義名重鄉閭善擘窠書字大如堵所掣筆長八尺生平意氣一于書發之嗜酒能詩兄歿遂斷酒不復飲者三十年

程肇都

字廷周號厚菴歙人父業鹺入籍錢塘性至孝父過遂安經連嶺六十里陟歷崎嶇歸語

肇都因捐資修砌建亭置宇以成父志父母歿既葬每朔望必往墓祭寒暑無間弟開周夫婦早歿遺孤五歲飲食教誨無異己子及長出已資而中分之姪子以半二子共分其半諭其子曰非我于汝等薄也所以慰先靈也子鐸鉞俱有文名

戴朝立

字茂才事父母先意承志兄弟友愛尤篤性剛方然諾不苟自處儉約不蓄私財不飾車

服不履公庭遇人緩急竭力調卹排難解紛義形於色人咸稱為長者以子璉官贈內閣中書舍人

吳炯

字明止號毅庵新安人弱冠遊郡庠天性孝友嘗邁無妄幾蹈不測炯挺身自任不以累

諸弟事卒白族黨咸稱之著有易纂鈎元行世子觀垣字六平幼失恃事繼母至孝折節讀書不妄交遊沉默凝重人莫窺其際康熙癸卯舉於鄉任義烏縣教諭振興士風講學不倦卒於官

鄭旭旦 字扶曦世居歙之紅橋徙錢塘早歲入泮學使陸舜有國士無雙之目家貧與其兄吉士

讀書深山縱橫經史後肆力於詩古文詞以一代作者自命著有越騷廣陵集字說詩通等書類皆窮極幽渺考證精確非捫聲附影者比嘗往來江淮間掀髯露頂目無座客每自嘯曰天地至文當

于無字中求之童謠兒歌一入于耳皆成奇句集成名曰天籟晚而讀易少年波瀾悉歸嚴謹有大易臆說一書洞見元奧年七十卒後書樓被火惜無一存者

汪煜 字寓昭號平齋自新安遷錢塘父賡順治辛丑進士煜少好武挽強控馬膽力過人後折

節讀書閉戶絕蹟家多藏書披摘無遺義行文兀傲自成一家言尤工詩康熙乙丑成進士任貴州

鎮遠令縣故古大田溪洞多苗民難治煜撫馭有方興文勸義民帖然不為患戊寅遷吏科給事在職未久疏凡六上其大者條陳河工事宜有造於淮他若慎選學臣引見題補皆號直言煜初席豐饒以銳志學業不問生產家遂中落及官黃門無擔石儲死之日同官助殮著有同岑草願學堂集南歸北征錄及平齋偶存諸稿詳錢塘縣志

吳炳 字睿思三歲母病不食炳號泣亦不食家人百計誘之卒不食母瘞炳始跳躍床蓐間且

悲且喜一時競傳為異及長性亢直無所依違家遭誣炳奮身庭質遂得解又上浙撫七郡水利書萬餘言及代償醵民張佛鬻妻金皆義舉也子觀垠事親孝于庶母高敬禮尤篤弟四人友愛如同母載錢塘縣志

葉日扶 字景升歙人性倜儻不事居積親族中有貧而未娶者助之婚不能葬者賻之葬於清泰

門外置地數頃為義塚凡有貧難相告者輒傾囊與之癸酉火災居隣數十家俱在烈焰中扶排墻出之頃刻里巷俱成灰燼扶居獨不燬見者以為神子之蘅沉默寡言一切義舉父所欲行者無不踴躍承之齟業中有繁費浮用必力為減除以蘇商困浙水開中之業藉以興革者指不勝屈

許願齡

字友期太學生幼好學善屬文早失怙受母教如嚴師以母命挾策經營甘旨無缺母壽

終哀毀骨立戚黨咸稱其孝長兄早歿遺孤僅數歲教養兼至且為婚娶不異於子居恒每誦伊川之言苟存心於愛物於人必有所濟遇異人授以秘方數種不惜重資廣為施濟求者日益多弗却也有負逋者貧不能償願多方寬解更卵翼之平生喜交遊故士大夫爭結繫敦戶外屢常滿舉子六人年五十四卒遠近來弔者莫不流涕事詳錢塘縣志

汪鳴烈

字庶驚幼能文貧無以養遂馳驅吳越間仍手不釋卷二十六補郡庠生事繼母張稱至

孝交友必誠必信人有負者弗計及老放浪湖山以詩酒自娛年七十卒著有師物吟集

汪潭

字淵如號千尺休寧人曾祖始遷於杭年十六父病焚香籲天刲股以進遂得愈父母歿

喪葬盡禮與弟滄終身共爨一錢尺帛不入私橐女弟早寡甥幼延師供讀愛逾己子滄疾親視湯藥竟以弟亡悲愴不勝未匝歲而卒臺使者歷旌其門為作傳入志四方紳士多作詩文以誄之

戴班立

字茂齊新安人寓錢塘父年七十一生立嘗以親桑榆既迫憂懼時深備極孝養父歿盡

哀盡禮友人朱某為人中傷立竭力營救事得白其人酬以千金弗受嘗買一婢詢知為望族女養為己女擇壻遣焉遇杭城火捐金周卹以子普成官贈儒林郎詳錢塘縣志

戴為穀

字季環號靜庵休寧人性孝友讀書明大體痛父母早喪不能奉養終身不茹葷不飲酒

不衣羅綺中年失偶不再娶不置妾兄弟五人怡怡如也子五勗以義方咸列膠庠孫永椿成進士

官翰林編修永樸及曾孫炳俱登賢書

吳嘉枚

字介臣晚號介庵錢塘諸生從父名溢學名重士林性孝友與兄維楨同居終親年不分

析晚棄舉業寓吳下南濠里薰爐茗盃讀書彈琴尤工詩畫入逸品故交之已貴者求則勿與有壺

山草堂詩詞蕭山毛奇齡為之序卒後長洲尤侗為立傳

汪景龍

字雲從歙人年十五來浙有成人度崇禎戊辰鹽場漂沒竈戶逋負不下千金悉焚其券

鼎革時民遷徙未寧課則虛懸龍議借場買補當事舉行初寧波下八場場鹽出倉漫無稽查多售

私販龍請於通明壩設稽察之法子夢震居家孝友根於至性尤好施與賑貧卹乏指不勝屈焉

汪開祚

字方至太學生歙人世有隱德性穎異授書輒了大義後以養親計驅車吳會間服賈負

米未嘗言瘁執母喪盡禮又慮傷父心承顏娛志備極委曲事死養生兩無愧焉晚歲望益重鄉飲

聖諭

禮行邦之賢士大夫咸相推引開祚宣明言然好閱覽雖行旅中手不釋卷每會合掀髯抵

掌上古今逾六十卒大司成吳苑中翰鮑夔各為立傳

各為立傳

吳

蕙

字又植歙人生平喜讀三傳為名諸生暇則習騎射年十五母病祝天願以身代居喪尤

能盡禮囊有羨金即以周族之貧者時臨安諸邑婦女多為寇所掠蕙盡出其家資以贖之嘗至西

湖有異鄉流離將赴水死者厚贈遣之有貧人女已許配又欲鬻以償逋蕙代為之償招其壻以女

歸之甬東人三世居杭死後乏嗣數棺暴露蕙覓其族人贖其喪歸葬遠戚之子鬻為人僕蕙代為

贖其父匿其子訟於官郡守嵇宗孟鞠知其詐將重懲之蕙復為之求釋其人慚感晚歲杜門不出

以書史自娛訓子孫以敦倫立品壽七十五卒

汪懋璋

號中岳歙人賦性誠慤居家有第五氏之風長兄遠出五寒暑不歸璋尋訪走數千里一載餘不得一日抵南都禱於神得籤訣云逢君學武謾言文遂之武昌復不得既而武當山賽會往偵之果遇其兄拉之歸一時咸以為異邑令張濤聞之表其閭曰良番表式

吳

昕

字仲徵新安人喜武林山水遂卜居焉善詩畫樂賓朋胸次通豁無城府司鐸永嘉造士有法晚嘗曰吾欲學向禽棄妻子一遊五岳盡攬天下奇勝吾志足矣著有松臺集見錢塘縣志

方

時

字乾行號雨亭歙人補錢塘諸生敦品勵行日孳孳以獎進後學為事晚歸新安遍省祖墓遊黃山作詩以紀其勝與同邑汪用嘉

吳克成

字開雯歙人補仁邑庠生有幹濟才於鹺政利弊尤悉時承凋敝殫力經營眾咸賴之會獄上大司寇遂得白其他濟困扶危疎財仗義之

吳觀陸諸人交闡明先儒理學著述甚富

事不可枚舉好讀史晚年放浪湖山與人論古今成敗得失娓娓不倦年六十三無疾卒

戴有怡

字仲和慷慨有俠士風順治初洊饑捐金周濟全活甚眾子國禮授州佐奉親孝代弟輸

逋課若干金凡宗戚貧乏者悉為婚嫁事詳縣志

葉日葵

字貞如歙人氣節不凡物望歸之甲寅閩變鹺業隋課五萬餘葵創議均攤公私交賴乙丑溫所積欠八千四百餘兩葵傾囊代完其額眾咸得蘇學使王揆高其義撰文勒石紀之有羣盜

劫其課於棲水捕獲皆自知必死葵念其迫於飢寒轉為求釋羣盜仰天大呼曰悔不為好男子有當事假三百金遣一吏賫償吏置私橐官拘比無償妻子願為僕妾葵峻拒不納竟焚其券甲戌歲

杭郡大歉葵捐米千石以活飢民郡守李鐸書羽儀鄉國以旌其門

汪宏

字又生休寧人業鹺遷杭性至孝事兄尤謹後兄歿於京邸宏鬻產奔喪長號數千里哀

感行路奉寡嫂如母生平從不識長吏鄰有無賴子夜竊其財宏佯寐俟其出終不言戒子弟曰蓄財當俾有用否則與暴殄同耳故友老而無家宏養之三十年歿為殯葬杭多火灾數及其廬輒反風而滅人皆謂仁德之報年六十六而卒載仁和縣志

許大輅

字存殷歙人幼穎異讀書目數行下家貧棄舉子業治鰥凡事知無不言時有勢豪眾皆

側目輅挺身鋤之順治間竈鹽不產隋課數十萬追呼無償輅請于當事創為折引并包之法於是負課得清嘗貿易吳閫有逋金以萬計悉焚其券蘇人顏其門曰萬金市義子志義郡庠生博學能文兼工書畫

吳

琰

字秩存太學生性至孝年十四即能為父禦外侮時構巨獄詞連琰父庭訊代質抗聲直

辨僉都李之芳按獄左右訶之琰仰泣曰吾為父白冤何以死相迫脅耶後隨父逮京師逾年得釋

及歸左右就養先意承顏母得風疾不能臥起琰晨昏捧持衣不解帶與弟友愛未嘗析產異居祖塋第不治者葺之置田以供享祀事兩叔如父一卜地以安窀穸一迎養以終其身

吳觀均

字履忠少負經濟才為文操筆立就年十二補錢塘諸生屢困場屋遂棄舉子業業鰥每

臺使至輒為諮訪天性孝友庶母舉兩男二女視與同母無異授餐讓宅婚嫁皆備子姓有不給者調卹之解紛排難有古人風喜讀莊騷反覆玩味老而不倦年七十九卒子五長國鑣壬午舉人

程邦本

歙人少以忠孝自期會耿藩叛逆以布衣謁和碩康親王隸前鋒至古城聞父病篤泣辭

歸家世業鰥引地京口貼近淮場私鹽充斥順治十六年奉

旨建搜鹽廳盤查回空糧艘本籌畫盡善奸私莫能影

射康熙三十九年江南巨梟孔文泰販私淮浙奉

旨緝拿江常鎮道施朝輔擒之本與有力焉杭有二程

夫子祠歲奉祭祀無缺子川食餼錢塘編輯朱子

五經語類

鄭世迎 字寅賓新安人博學負奇氣試輒冠軍客遊長安名公卿爭相延禮詩歌援筆立就屢躓

棘闈遂謝去放浪湖山慷慨好義急友朋事如已事戚黨間待以舉火者數百家游履所至觴詠流

連有書帶草堂詩彙行世

吳觀陞 字履丹歙人弱冠為錢塘生食餼有年貢入太學工文詞意氣慷慨有古烈士風居家克

盡孝友年已艾猶孺慕不衰與兩弟怡怡終身無間言西湖崇文書院向祀朱子商籍子弟於此肄

業歲久廢弛陞與汪鳴瑞力請於當事重新祀典復行舫課人文彬彬稱盛運使李濤序其事

吳鼎英 字仲裕歙人少負偉畧值明末季不樂仕進棄儒業齧我

朝定鼎之初各商未集鼎竭力招徠俾各安業引課賴以無缺齧使潘朝選重其才給帖以旌孫龍文以

孝友推於鄉

程斯懋 休寧人仁和庠生事親善養志值父業中落懋苦志肩任一切艱難拮据之狀不敢令親

知親有疾必親嘗湯藥衣不解帶每禱祠願以身代撫弟友愛苦力經營所得盡公諸弟毫無私蓄

有勸以分析者涕泣不從迄今子孫同居四世宗族鄉黨咸有孝悌稱

江東達 字爾通歙人性豁達與人交開誠布公不爽然諾當事亦以其直諒每器重之尤喜振拔

淹滯獎進後人五世一堂子孫科第不絕人以爲長厚之報

汪時濟 字鴻洲歙人娶唐氏有壺德濟年二十三而氏歿遂不娶鰥居五十三年每詔子孫以不

重婚之義業齧來浙時粟地官私混淆濟創改則陞課歸所運掣至今便之

朱嗣初 字以肇歙人業齧兩浙性至孝事父母能先意承志母患噎症醫者皆以爲高年莫治初

侍湯藥調飲食卒能霍然子旦字暢伯錢邑庠生
孝亦如之性慷慨見義必為時有父子以無妄陷
獄者旦傾橐救之後
其子顯達絕不言報

江善積

字以名歛人生平重信義好施與族黨之間
莫不蒙其賙郵事父母能色養待弟友愛建

宗祠以妥先靈且燕
翼其子作楫登賢書

吳基承

字公業休寧人事親孝與昆弟友愛父寢疾
衣不解帶親侍湯藥午夜必詣神前禱祝果

夢神人授靈藥吞之遂愈生平見義必為昌化縣
太平橋為水衝決承獨捐資重建邑人稱之性恬
靜不喜紛華不妄交遊琴書圖史外無他
嗜好具才識而耻炫能屢為齷使者所重

方擢

字書升少孤事祖母余及母田克盡孝養弱
冠有聲庠序貢入成均賢士大夫爭相結納

而擢頗以經濟自負先世
業齷故於齷政利弊尤悉

吳也魯

字次愚仁和貢生端謹好學居兩喪悉遵家
禮生平喜施與如捐資以修學宮售產以贖

難民其最著者精岐黃術不受謝堅不能却則
市綿衣以濟貧人製棺木以施暴露至老不倦

程釗

字穎叔已酉武魁有經濟才松所引鹽向以
票地月掣私梟充斥請於官與諸所一體按

季歸掣羣推祭酒性慷慨好施捐
建二程子祠於吳山崇祀勿替

胡德兆

字兆行歙西槐人年十三遊庠篤志力學為
名諸生西湖崇文書院歲久圯兆首新之春

秋兩祀無缺子
孫以孝友稱

吳樸

字介眉國學生休寧人克敦倫紀親疾刲股
以進歿後廬墓三年不飲酒不茹葷其樂善

也捨棺木施茶湯刊感應篇陰騭文以勸世親友
有未葬者捐資以賻其喪子姪有未娶者皆為之
婚嫁焉

程之標 太學生性孝友少刲股以療母疾及長兄弟五人相繼以歿標獨養四孀婦八遺孤人咸

稱其友

江文魁 歙籍寓錢塘

本朝定鼎之初巉使者訪求諳練鹽筴之商得文魁畫陳利弊子孫相繼業巉仁厚信義迄今五世先是鮑郎場煎鹽積用鍋熬鹽皆堅韌不可用後其孫永請易以盤煎竈商均益

徐兆隆 字芳涵邑庠生蘆瀝場竈籍讀書孝友畱心猶樂善不倦值荒歉減價出粟

為州里倡邑高其行舉鄉飲賓

列女

明

黃氏 汪文華妻文華以母喪廬墓三年哀毀卒氏水滸六十載

方氏 諸生胡承虞妻甫于歸承虞負笈出遊方事其祖姑與姑兩世得其歡心祖姑疾刲左臂雜羹

以進立愈姑病亦如之後承虞歸亦疾方又刲右臂以進復愈越數年承虞疾復甚於昔醫皆謝去方曰吾臂凡三創三愈幸邀天鑒今寧惜四創乎如前法夫復起至誠格神方氏有焉見錢塘縣志

國朝

唐氏潘氏 姑媳也俱歙人唐適江之涑年二十五夫歿遺孤世標甫六歲教養成立為娶潘兆

孟女未幾世標又歿潘年二十九欲殉夫地下念姑已老夫又無子代奉甘旨者三十餘年衣食皆從十指出每至饘粥不給唐年九十三守節六十八年潘年八十守節五十年人稱江氏兩世雙節

王氏 歙儒士汪知元妻知元疾卒氏年二十五奉姑訓子守節三十年子必遠德秀並為杭郡諸生

迎養於杭浙撫范承謨題
旌建坊崇祀女貞祠事詳浙江省志

胡氏

歙人汪日耀妻胡涵文女也幼失恃能孝事其祖母既歸汪事姑嫜敬慎不怠年二十夫歿未

有子氏曰夫死無子分當死然不可以絕夫嗣乃繼姪為子恩勤鞠育至于成立家貧依兄嫂為活

吳氏

憲之女汪用成妻崇禎乙亥居鄰火沿燒其室姑不得出火迫甚氏以身蔽姑出烈焰中頭面焦爛姑得無恙子鳴瑞博極經史皆氏所口授也壽八十七著女千字文

張氏

江之崑妻業齋居常山康熙甲寅閩賊吳安邦入城崑罵賊不屈與子世晟同日被戮氏與媳曹氏欲自縊孫女如娟大呼曰請先母死曹先勒殺之二氏皆自縊事詳常山縣志

吳氏

江廷光妻廷光奔父喪卒於途氏無所出苦節三十年無異志

鮑氏

舉人經綸女進士汪亢宗妻宗病歿氏欲以身殉舅姑勉其立孤乃止已而二子俱殤氏即閉戶服滿死載

程氏

汪用嘉繼室性孝姑臥疾不起者十九年氏晝夜扶持不離左右凡三割股以療其疾前妻所遺子女視如已出一女殉節子鳴烈亦能孝養終其身壽八十八

汪氏

字玉貞歙巖鎮人幼失恃父用嘉授以孝經內則列女傳諸書靡不通曉嫻習及笄歸胡生震吉閱四年胡病瘵歿氏日夕悲號欲以身殉家人護持密不得聞康熙壬寅春正月九日姑往賀歲氏即自經於震吉棺側衣皆密紉啟篋得手書一緘視之則告尊輩以不能俱生不忍獨生不敢偷生之義震吉所遺書冊集為一笥大書其上曰付孤子祿兒收讀時年二十一有司上其事於巡撫督學給額以旌詳歙縣志

馬氏

生員遠平女適汪岳蘊三載夫歿痛不欲生絕粒彌日念腹有遺孕不忍絕夫嗣遂繼姪紹武後生男紹良氏撫兩子無異視奉舅姑甘旨無缺孝聞閭里訓子孫嚴而有法孫弘禧舉孝廉學臣顏光敷題請奉

旨建坊崇祀載錢塘縣志

凌氏

年十八適新安汪起勳夫歿遺孤之漳之潤氏矢志撫孤上奉舅姑克盡孝道教二子讀書成名後以之漳貴

勅封孺人巡撫趙申喬題請奉

旨旌表詳杭州府志

汪氏

張宗儒妻年十九歸張甫三日即出操井白勉夫力學且曰脫堂上甘旨缺我箴紉可辦無分汝心後儒以嗜學成疾醫罔效氏欲取刃自裁姑曰汝子甫五月設汝死吾兩人誰依不如先汝死奪刃亦欲自盡氏方驚起以事姑撫子為已任曲盡孝養誠其子曰汝身孤危讀書砥行功宜百倍

延師結友皆吾指血所辦子芬仁邑庠生載錢塘縣志

姚氏

又度女七齡母病侍湯藥惟謹人以孝稱之十七歸吳霄篝燈佐讀克盡婦道二十六夫亡痛不欲生奈家有三喪未舉藐孤在抱不忍委棄飲泣含悲力持門戶凡殯葬之事經畫周詳遺孤痘殤繼姪為嗣恩勤無異年六十三奉

旨旌表載錢塘縣志

鮑氏

歙人江以鼈妻年二十九夫歿守節四十餘年康熙四十五年奉

旨旌表

吳氏

年十八適嚴曾采嚴授新昌教諭未仕而卒氏婚十載冰霜自厲至六十而歿遺命子煜等必告而父友章撫功為誌吾墓母忘吾艱苦也康熙四十九年奉

旨旌獎載錢塘縣志

胡氏 汪躍妻州別駕濤函女也幼淑慧嫻內則年二十一歸汪汪以名諸生舉明經對策歿於京師

胡年二十九聞訃欲以身殉上念尊嫜俯憐稚子忍死以婦代子以母兼父備極辛勤後孤復不祿既以哭夫者哭子又以教子者教孫水霜苦節歷三十年詳錢塘縣志

戴氏 生員吳錫妻錫病瘵甫婚即侍湯藥疾革誓請先死其母慰之氏曰女從嚴命以身適人義惟

從一不能兩全舅復沮之氏曰翁有叔可奉未亡人少無所出分宜從夫地下且既以死許義難食言遂從容拜辭尊屬勺水不入口凡可以求死者無不為之最後給小婢屑金珥并壞玻璃器仰吞之膽破嘔碧血數升死邑人哀之上其事於官且醵金葬于葛嶺之西就其地建祠曰吞金祠載錢塘縣志

汪氏 贈中憲大夫汪汝謙女太學生吳望中妻生而貞靜動嫻禮法事舅姑以孝望中遊學四方竟

以客死氏聞訃慟絕久乃得蘇撫孤璆行俾其成立茹茶飲藥備極人所不堪已而璆行又死復撫兩孫成立授之室喟然曰而今而後未亡人畢乃事矣壽八十守節五十三年氏少承父訓能詩文及夫死悉焚筆硯及所吟咏故外罕有知者載錢塘縣志

吳氏 歙人如梁次女幼端莊通孝經內則年十五適文學朱南絃絃得瘵疾氏侍湯藥衣不解帶者

二載既歿氏屏去羅綺獨處一室非定省享祀足不踰閫兩遭火家業灰燼氏百計以供甘旨後三十年疾篤姑勸之藥謝不飲體寒索被婢覆以文綺却曰非我所宜揮去之既屬續姑召內戚至死所議喪事氏忽張目曰此內寢也雖死不可令外人入學使周清原書額以旌曰志盟孤鴈

鄭氏 孝廉吉士妹文學汪用昭妻幼喜讀書每就兄

事能得堂上心昭為名諸生廣交遊善結納家貧氏脫簪珥以供不逮年三十夫歿遺孤九歲姑老

氏不辭勞瘁供甘旨無缺
撫子成立守節三十五年

方氏 文學振先女幼嗜書史曾割股療父疾年十九
歸金建烈氏治家有法二十九而寡卒年八十

八守節六十年方烈之歿遭兵燹家道中落氏健
持門戶嚴以訓子嘗述先世事誠以毋忘艱苦有
古陶孟風載
休寧縣志

許氏 鮑應謨妻壬辰進士許書姪女年二十七而寡
上侍六十孀姑下撫七齡弱子娶媳五載而子

歿媳黃氏又寡三世孀居零丁孤苦氏承先啟後
孝慈並致邑里稱之有三世孤芳一門節孝之譽

汪氏 鮑應桂妻年二十六夫歿遺孤錦錫甫二齡氏
教以義方及長命就外傳不事姑息人謂錦錫

母教過於嚴父

程氏 鮑應選妻年二十二夫死於火氏欲以身殉念
二孤文錫世錫尚幼矢志守節之死靡他

程氏 鮑文錫妻于歸未逾月夫死氏年未二
十遺腹生子鳳翔氏撫之茹荼終老

程氏 鮑應信妻年二十二夫溺水死囊橐蕭然遺孤
策錫方襁褓鞠養成立嘗脫簪珥以奉舅姑氏

每枵腹而堂
上甘旨無缺

方氏 鮑元任妻結褵未一載夫歿氏矢志不移
撫遺腹子應瑞成立壽終八旬賢著一鄉

黃氏 鮑望錫妻大傑之女子歸四載夫歿奉兩世孀
姑撫子光朗歷盡荼苦自許氏至黃氏為鮑氏

一門七節康熙五十年督學吳垣題請旌表奉
旨建坊入仁錢二縣節孝祠

葉氏 鮑安鼎妻年二十夫歿貧窶特甚藉箴紉撫孤
子立忠成立鄉里咸頌其賢鮑氏七節之後葉

復益而為八洵
聖世之休徵德門之盛事也

程氏 貢生葉世寵繼室也歸葉未一載夫歿苦節以
事舅姑色養備至撫前室之女如已出教子義

方有九熊畫荻之風節孝之稱里黨無異詞云載錢塘縣志

胡氏

黟之弘村人適汪純元甫兩月夫卒於杭婦聞訃隨樓絕而復蘇姑諭之曰爾縱欲相從地下

應服三年喪氏許諾乃服喪三年日夕悲號不出庭戶服闋氏迎姑拜於堂上曰媳失所天今已終

喪弗獲侍奉遂徧拜妯娌諄諄以善事舅姑為囑乃密紉衣裳絕食七日而死年二十八

汪氏

休寧人適同邑庠生吳文斌斌屢躓棘闈賈志以歿氏茹荼守志撫孤成立四十餘年以壽終

吳氏

國學汪棠妻性至孝有德耀風汪得疾彌留之際謂氏曰吾素稔汝志但堂上姑老及此藐孤

向氏飲泣弗言及汪歿菽水盡歡晨夕罔缺義方訓子不少假借載錢塘縣志

吳氏

汪廷樞妻樞素匪怯不勝家事氏悉任之時翁疾篤氏祈天請代竟不起未逾月長子復殤次子

起熹苦孱弱氏竭力維持幸得成立舅姑喪葬盡

哀盡禮勤苦操作里稱慈孝焉

吳氏

年十八適庠生戴永崑年二十夫遘疾卒氏觸棺流血不願獨生舅姑諭止之苦節三十五年

不輕出戶庭不延見姻戚姑疾謹奉湯藥晨夕不離及歿喪葬盡禮撫子女各成立浙撫王然督學

吳垣汪滌各旌其廬康熙五十九年題請建坊雍正三年奉

恩詔從祀節孝祠

潘氏

汪之萼妻性謙婉能敬慎以事舅姑萼勇於行義嘗出千金周急氏脫簪珥以相之以禮法治

家曾元五世同居共釁人有以緩急告者無不應至再至三無倦容親族隣里賴以舉火者百有餘

家年九十而卒

汪氏

歙文學鳴烈次女年十九適同邑吳觀珪事舅姑惟謹相夫克盡婦道二十五夫歿舅姑已老

子僅三歲忍死盡脫簪珥衣麤茹素事箴紉以謀甘旨會姑疾割臂肉和藥以進遂得愈稱未亡人者四十年後疾篤子國鉞年十六亦割股以療母氏可謂有子矣

戴氏

年十八適王起泮二十二夫歿事舅姑極盡孝養苦節三十九年載錢塘縣志

陸氏

孫燧妻性端謹明識大義年二十五夫亡孝奉八旬之翁敬謹不怠撫幼嗣思敏成立青年守

志白首完貞康熙五十九年學使汪滢巡撫朱軾會題奉

旨旌表

黃氏

錢塘貢生汪掄柱伯母汪如衡妻年甫二十衡即早逝無子氏矢志守節至五十五歲而卒當

夫病時氏晨昏祈禱願以身代後復絕粒欲以身殉因姑勸勉纔進粒米守節三十六年婦兼子職竭盡孝道平居未嘗一見笑容一飾簪珥紡績之暇惟理女孝經訓所撫女宗族鄉黨莫不推敬府

縣學使俱經旌獎給有歲寒勁節冰雪貞操貞節可風等匾額所撫女適黃建績亦早歲守寡至今苦節已三十年皆得諸母訓云

黃氏

吳嘉謨妻幼聰慧過人博通經史且嫻內則戚屬奉以為師嘗手訂左傳韓文授其子每與諸

孫輩論古今成敗事反覆引證至中夜不輟論者比之曹大家云

凌氏黃氏

俱歎人姑媳也凌年十八適生員江榮舉二十六歲夫歿守節五十九年凡翁姑生

養死葬盡心竭力無失禮焉壽八十五康熙五十年奉

旨旌表

黃氏年二十二歸凌氏之子江臣年二十八臣歿家貧紡績以奉孀姑苦節三十餘年雍正元年

旨旌表

畢氏

三錫女太學生許頤齡繼室孝事其姑夫歿六子俱在稚齡家事巨細一身肩之出納有方進

退有度延名師集良友以成子學業年六十誕辰諸子奉觴上壽氏曰吾半生勤瘁惟冀爾等成立以報爾父於地下今志已遂吾從此逝矣遂端坐而逝四方人士聞而異之各為詩文以誄彙曰高集陽

吳氏

歛人文學汪跣妻及笄來歸敬事姑嫜頗諳大體跣喪父哀毀骨立竟以孝死吳年二十四欲

以身殉念老姑在堂偷息以供甘旨立嗣承桃三十餘年冰操如一日雍正元年請

旨旌表從祀

女貞祠

毛氏

儒士鄭弘俊妻上奉兩世姑嫜敬勤不怠結褵五載夫邁危疾氏每夜焚香祝天願以身代終

不起氏絕粒五六日淹淹垂斃舅姑慰曰爾止生

一女幸腹有遺孕若生男能續夫嗣不更愈於死

耶氏醒悟後果生男二十餘年茹荼飲冰女

遣嫁男授室老姑尚強飯日進甘旨無缺

許氏

歛縣人國學生鶴齡女年十六適同邑汪宏事姑以孝聞二十八而寡足跡不出戶庭時子女

俱幼家貧嘗至饘粥不給矢志靡他卒能教子成立一女適甲辰進士胡統年五十四而卒

張氏

汪乘御側室年二十七汪卒荼蘼自甘織紉以供衣食教二子以義方宗黨莫不稱其賢年六

十二載錢

塘縣志

戴氏

輔侯女進士洪滋妹年十八適國學生汪廷枚三載夫歿慟絕復蘇勉從舅姑命含哀盡禮數

十年足不踰闕歲時伏臘痛哭失聲聞者為之感動鄉里咸稱苦節云

汪氏

歲貢生汪于高女文學戴釰妻年二十四而寡遺孤六月氏欲以身殉姑慰之曰死節易撫孤

難願婦為其難者氏領之操作勤苦竟以疾卒遺篋有手書千言皆教孤以立身行己之法

江氏

生員許鼎文妻夫歿氏絕粒三日腹有遺孕父諭以宜保夫嗣後果生男養育成立巡鹽御史

顯圖表其廬曰守義
垂慈事載錢塘縣志

胡氏適休寧吳仲升年二十二夫歿痛不欲生姑慰
之曰予尚存寧忍棄子耶氏矢志事姑守節五
十四年

汪氏年十九適儒士張文治孝事舅姑順相夫子結
襁五載夫歿氏絕粒數日殞而復蘇復投環為
家人救免後翁因子喪抱病不數日歿氏傷舅夫
並逝乃於夫終七之期自經棺次有司旌其烈祔
女貞祠

祀焉

胡氏黟人汪煜妻年二十四夫死矢節奉舅姑教
子璠讀書成名壽七十一守節已四十七年

吳氏歙人一桂次女年十七許字錢塘王之瀚王買
易金聞病歿氏聞訃欲以身殉父母勸之勿聽
姑至諭之曰爾雖未婚是吾媳也爾死奈吾老何
氏省悟即隨姑而行易衰麻執婦禮每食必哭拜

於靈鄉里聞之莫不流涕家
貧藉箴紉以為活姑賴以存

王氏汪僑側室文學禹慶女氏通書史奉僑母周氏
極孝養周年八十四而終扶持左右割股調羹

僑歿三子俱幼養育教誨備極辛勤年八十守
節四十年五代繞膝實天之所以酬節孝也
趙氏貢生汪健師側室汪原配葉氏早歿義不再娶
未有子因納氏焉年十九歸汪二十三而寡時
子又筠在襁褓恩勤撫養衣食嘗不給有微言勸
改適者輒以死誓立心謹慎教子尤嚴守節三十
年五

邱氏州同知以黃女適國學生汪元善年二十九汪
卒痛不欲生因姑老守節以事迨姑歿喪葬盡
禮茹荼飲藥至晚

益堅守節三十年

汪氏休寧人年二十適仁和倪瑤結褵五載夫歿矢
志靡他撫孤成立卒年五十八苦節三十三年

符例請

旌

吳氏 許字新安胡鶴未嫁夫歿氏即日過門執婦禮泣曰我已作未亡人不死何為家人勸慰再三

勿聽守伺密不得闕踰年投縗卒

程氏 張鈞妻夫歿生一子哭其父亦歿媳投縗以殉氏痛不欲生因不忍絕其夫之嗣繼姪為子教

養成立

江氏 張鏐妻未四十而夫歿三子俱幼江曰夫死子當從死但不忍藐孤之不育以負夫於地下乃

延名師躬課督三子皆有聲庠序江以壽考終

葉氏 菁長女適文學吳世模事舅姑以孝稱夫早世哀毀絕食誓不欲生姑曰汝死奈我老何况有

遺腹奉姑保嗣事之大者氏泣遵姑命孝敬備至及生子訓以義方凡祭祀婚姻悉有操持姻戚莫

不加敬

趙氏 歙人吳式鏐妻年二十夫歿無子繼姪為嗣矢志凜冰年五十四守節三十四年學使汪漑以

節茂松筠旌其閭

邵氏 年十八歸江俊二十五夫歿孝事舅姑義方訓子苦節三十載閭里咸稱節孝云

姚氏 蘆瀝竈生朱吉人妻少習女史識大體年十七歸朱恭儉循禮得老姑歡未浹歲夫卒遺腹生

女撫嗣子琰嚴而有法晚年出紡績資營先人葬事建宗祠置祭產呈縣勒石碑子孫世守勿替邑

令王偉給旌進士趙光緒為作傳見嘉興府志

吳氏 年十八適王國楨機杼佐讀有梁孟風結禱七載二十五歲而國楨卒氏絕粒投縗願從良人

於地下翁姑苦勸得免戢影深閨早夜操作雖至戚罕聞聲靚面者至四十二其叔國祥始生子蔭

華氏即敬告宗黨立嗣承祧壽七十一而卒康熙
 五十九年請
 旨旌表國祥天性孝友濟困周急
 事寡嫂誠敬備至事詳縣志

勅修兩浙鹽法志卷十五終

勅修兩浙鹽法志卷十六上

藝文上

治法與道法相維持文以載道非是無徵焉
 為致治之大法而道隆則治隆不徵往什奚以知
 聖朝立法之善網羅舊聞詮次散軼載筆者之職也志
 藝文

制

授王播刑部尚書諸道鹽鐵轉運使制

唐元稹

東坡全集卷之六
勅漢諸儒議鹽鐵者百輩終莫能罷以其均口賦利則
貴賤盡征於王府矣而國家歲漕關東之粟帛以實京
師亦重事也併是兩者非才弗居劍南四川節度副大
使知節度事中散大夫檢校戶部尚書兼成都尹御史
大夫賜紫魚袋王播昔我憲宗章武皇帝梟琳於夏擒
闢於蜀縛錡於吳而又繼之以元濟師道之役十五年
間蓋繁費矣然而資用饒而人不加賦朕甚異焉謀及
耆艾以求其故皆曰蜀帥播是時司筦權者八年忠而
能勤善於其職先皇帝咨訪委遇用之不疑下竭其才

而上專其任也是用徵自益部授之刑曹復以舊務煩
之式所以藉爾奉力之熟耳於戲知人則哲憲考能之
顧茲不明敢有貳事爾其奉追先眷佐予冲人忠盡始
終以服休命可守刑部尚書充諸道鹽鐵轉運等使散
官勲如故

許懋爲兩浙轉運副使制

宋曾鞏

勅具官某朕擇遣使者分部而治雖以將漕爲稱然實
總民政之舉措察吏屬之能否蓋連數十城之地舉而
屬之其選豈不重哉爾詳練敏明宜服予采蓋爾之職

非止於督賦斂斷獄訟而已惟除苛熄擾可以使民遂其宜惟務實去華可以使吏馴其行宣恩德而美風俗待爾能善其官可不勉歟以祇朕命可

兩浙轉運副使許懋可令再任制 宋蘇軾

勅具官許懋吳越之人凋敝久矣朕方蠲理繁碎以安養其衆非得循吏察視郡縣均通有無則民何賴焉以爾儒術精通吏事詳敏歷年於茲民便其政旣信之俗必易爲功庶無新故更代之勞而有上下相安之美勉修前業無怠日新可

蔣璨兩浙運副梁澤民江西通判米友仁浙西提

舉茶鹽鄭僑年江東提舉茶鹽王榕江西提舉

茶鹽制

宋劉一止

勅具官某朕經理中原費出尚廣惟是四方賦租之入山澤之利以佐大農部使者實總其事故於選任之際所不敢輕爾璨通練敏明聞於朕聽爾澤民莅事不苟屢試有稱其爲朕服輸將之勤勿愆於素爾友仁爾僑年爾榕術業之茂咸有可觀通貨阜財惟爾之責其祇若予訓懋乃職守曰不克惟旣厥心書之戒也今朕亦

東傳 內河 卷一
云可

左司員外郎姚舜明直龍圖閣江淮荆浙等路發

運副使制

宋程俱

勅具官某國仰六路之漕輸給中都之貨食既以責之部刺史又以制置使者總之以時其灌輸緩急低昂懋遷之宜時巡以來雖事異平日而稱是職者亦難其人以爾才術疏通踐揚中外比於帥幕召寘都司還直龍圖雖云舊物維新命以重使華無或病民勉思裕國可

表

請檢校鹽鐵表

唐劉彤

臣聞漢孝武爲政廐馬三十萬後宮數萬人外討戎衣內興宮室殫費之甚實百當今而古費多而貨有餘今用少而財不足何也豈非古取山澤而今取貧民哉取山澤則公利厚而人歸於農取貧民則公利薄而人去其業故先王作法也山海有官虞衡有職輕重有術禁發有時一則專農二則饒國濟人盛事也臣實爲今疑之夫煮海爲鹽採山鑄錢伐木爲室農餘之輩也寒而無衣飢而無食傭賃自資者窮苦之流也若能以山海

厚利資農餘之人蠲厚斂重徭免窮苦之子所謂損有餘而益不足帝王之道可不謂然乎臣願陛下詔鹽鐵木等官收其利貿遷於人則不及數年府有餘儲矣然後下寬大之令蠲窮獨之徭可以惠羣生可以柔荒服雖戎狄猾夏堯湯水旱無足虞也唯陛下行之

浙東提舉到任謝表

宋 朱 熹

宣教郎直秘閣提舉兩浙東路常平茶鹽公事臣朱熹上表臣言準告授臣前件差遣填見闕臣已於今月六日就本路蕭山縣交割職事訖者擢於偏壘付以外臺

便道造朝單車詣部延見父老問其疾苦之因宣布詔書諭以丁寧之意榮逾望表懼溢情涯伏念臣生長田間棲遲林壑居然樸拙見謂迂踈潛心切慕於師承行已敢干於義命會逢聖旦叅預時流驟自草萊起分符竹乾坤大德施且不貲螻蟻私情報於何有屬歉歲民無艱食謂愚臣職有微勞寵之冊府之華畀以近畿之節雖駑馬之十駕後者鞭之然鼯鼠之五窮技止此耳毋乃累公朝之選重以爲多士羞茲蓋伏遇皇帝陛下闢舜四門馭周八柄欲尺寸之長並用致孱微之品亦

收比奉對揚親叨臨遣大明委照不棄負薪之言零露
疏恩更下賜緡之令顧愛所在稱塞爲難臣惟當恪意
講求因時施舍不能則止戒小已之便文當官而行效
古人之報國庶殫毫末上答邱山

代兩浙轉運使謝恩表

明 徐一夔

欽奉聖旨除臣兩浙都轉鹽運司使臣某謹奉表稱謝
者伏以聖恩下被寵耀有加拜命若驚臨職愈懼臣自
揆疎賤幸遇聖明嘗忝備於使令遂蒙任以轉輸自淮
遷浙已經五載之餘由初及今未有一絲之補常懷兢

惕每賜優容詎意垂老之年超授三品之秩寵之已至
分則實踰茲蓋伏遇陛下量包八紘若海涵而春育澤
及萬物如天施而地生均囿大造之中獨荷曲成之賜
臣惟當堅持晚節恪謹官箴式殫方寸之忱少効涓塵
之報無任感恩戀闕之至謹奉表稱謝以聞

狀

奏鹽課狀

宋 朱 熹

浙東所管七州而四州瀕海旣是產鹽地分而民間食
鹽必資客鈔州縣又有空額比較增虧此不便之大者

夫產鹽地方距亭場去處近或跬步之間遠亦不踰百
里故其私鹽常賤而官鹽常貴利之所在雖有重法不
能禁止故販私鹽者百十成羣或用大船般載巡尉既
不能訶州郡亦不能詰反與通同資以自利或乞覓財
物或私收稅錢如前日所奏台州一歲所收二萬餘貫
是也以此之故除明越兩州稍通客販粗有課利外台
溫兩州全然不成次第民間公食私鹽客人不復請鈔
至有一場一監累月之間不收一帑不支一帑而官吏
糜費吏卒騷擾有不可勝言者然以有比較之法州縣

恐有殿罰則不免創立鹽鋪抑勒民戶妄作名色抑令
就買出入暗昧不可稽考大畧瘠民以肥吏困農民以
資游手爲州縣爲提舉主管者非不之知然皆以國計
所資不敢輒有陳說日深月久民愈無聊若不變通恐
成大患臣生長福建竊見本路下四州軍舊行產鹽之
法令民隨二稅納產鹽錢而請鹽於官近歲官鹽雖不
支給而民間日食私鹽官司既得產鹽稅錢亦不復問
其私販雖非正法然實兩便欲乞聖慈特詔本司取會
福建路轉運司下四州軍見行產鹽法將本路地里遠

近鹽價高低比附參考立爲沿海四州鹽法其餘州軍自依舊法施行則亦革弊救民之一事也伏乞聖慈詳酌施行

論罷華亭分司狀

宋 黃 震

某近準牒差往嘉興府管下散還亭戶鹽本錢因得訪問亭場竈數無減而鹽課折陷其弊安在乃知皆是華亭分司苦楚椎剝至亭戶逃亡始夫分司幹官祖宗法所無有也頃歲馬端明持庾節閔亭戶赴本司期限涉遠分遣幹官一員以便民日引月長偏方下邑一介小

官赫然振監司之體影附並緣實繁有徒請以親所見聞之實言之亭戶本官爲市有買而後有納也自創分司亭戶一到請本需常例錢者窠局聞二十有二細民無一敢嚮惟上戶名統催者領之支應索需之餘所存無幾往往又以欠額抑令八十貫折納鹽一斛往往徒手而歸是使亭戶逃亡而鹽課折陷者分司也上戶與下戶均爲齊民彼所自有者本亦一竈耳官司以其事力可以濟乏才智可以服衆使之督辦謂之統催亦必勸以恩禮然後拘以法制近者分司吏卒視爲奇貨而

漁獵之係累其妻妾破壞其家產甚至有訊腿荆五十而一荆取杖錢五貫者一訊之項費二百五十千他可類推矣某日見浦東場等處高堂峻宇毀拆垂盡皆舊日富家上戶苦於追補至此使亭戶逃亡而鹽課折陷者分司也天下細民之苦莫亭戶為劇豈止冬不得避風塵夏不得避暑熱而已哉夏日酷烈人所必避獨亭戶反就之以為涼蓋煎鹽竈舍火氣熾盛一出青天白日之下即清涼也冬寒雨雪官司優恤凡居里巷者皆散錢米獨亭戶反因之而重罪蓋煮海為鹽全藉晴日

一至深冬沍寒之際必缺額也况如某所經歷下砂青村袁部浦東等場三數百里無禾麥菜蔬井泉所食惟鹹水煮麥其苦尤甚所宜痛恤而分司廳以去歲之官斷杖乃日不下四百座半歲之間死於非命者七人是待民不以人道使亭戶逃亡而鹽課折陷者分司也本司半月一比較分司五日一比較本司牌匣之費近百千分司牌匣之費過八百千曰補鹽曆五日一比七十千曰巡鹽曆亦五日一比七十千此外非泛橫出加以罪名有費至萬貫者蓋無一不出於亭戶此其使亭戶

東修河清縣志 卷十六
九
逃亡而鹽課折陷皆分司爲之也况復有亭戶之所已納分司反從而折陷之者蓋分司即本司一幹官在外者耳而體貌幾與本司埒三司六局排軍授事無一不備茶酒至八人扇吏六十人又各有其徒名貼司者二十餘人獄子十餘人其徒號親人者一百五十餘人自司屬至輜散番通近四五百人合兩買納官一支鹽官四廳在縣共千餘人人以十口之家計之是十萬指衣食於亭戶故雖吏胥之文移日以繁卒徒之隳突日以頻而所得猶不足以飽所欲遂於納鹽每斛一石五斗

四斗之外增鹽二枚買納官支鹽官及催吏詐言或淺喝令罰枚枚率近一小斗此實亭戶之所已納而官自折陷之者一也每斛官給亭戶本錢價十五貫今亭戶無鹽折納八十貫而官自買鹽夫鹽出於亭戶者也亭戶無鹽可納而納錢矣官司既取錢於亭戶將買鹽於何人此不過以多量羨餘搪抵數目而錢入官吏之手耳此則亭戶之所已納而官自折陷之者二也增枚折納本皆屬支買場然不與分司廳通同則不敢故曰使亭戶逃亡而鹽課折陷皆分司爲之也某不佞竊謂必

東修河清縣志 卷十六
欲亭戶之逃亡者復業鹽課之折陷者復舊非省罷分司廳不可若曰無分司則追會遠某謂自華亭過長泖當湖止一日水程非遠也免分司五日一追而就本司半月一較雖遠不易於前日之近者乎若曰無分司則拘權難某謂諸場權到鹽皆場官催吏自爲之分司無毫釐力免分司苦虐而端責合場官吏方將易權安見其難者乎往歲未創分司課額不妨登足自創分司二十年間課額反虧無益有損而不行省罷弊將安極乎敢望敷奏朝廷將華亭茶鹽分司徑行省罷併將買納

場文武兩員省罷一員仍自使司立定買納場吏卒人數後不許私自增添本司常行覺察豈惟國課之幸實國脈之幸

論復祖額在恤亭丁狀

宋 黃 震

一曰發鹽司之積以招流亡夫鹽司之所積皆鹽利之所餘財聚於上民散於下今若於所積錢內小撥數十萬緡場遣一官出榜堆錢招其復業不責其還則復業者衆祖額將不期而自復二曰除出剩之弊以禁苛取夫鹽本錢每斤二百舊會時價不過十一錢而足又籬

東修兩湖鹽法志 卷十六
筭錢二麥錢二稅錢草蕩錢柴租錢逢千退一錢諸項
並於數內剋退使錢錢盡入亭戶之手尚不足了官司
糜費豈可更求贏餘今亭戶有納鹽有消耗鹽有鹵折
鹽有斛面鹽有罰杓鹽展轉虛耗二斤方了一斤其弊
皆始於利剩若不取出剩則人必大悅祖額將不期而
自復三曰操體統之要以省煩擾夫官多則吏多吏多
則民擾而小官分鹽司之權其勢又不免引而高之吏
卒之並緣尤甚浙西諸場舊各置催煎官一員縣市置
買納官支鹽官各一員而提舉司總其權於上其後爲

人擇官漸次添設今或提舉官仍舊或改創提領分司
官欲許各場皆得專達而買納官仍止一員不許干預
催督如舊制則民免橫擾祖額將不期而自復四曰定
散本之法以免減剋舊來監官各自散錢久而侵漁入
已遂從監司委官散錢又復添取常例合選清彊官單
車到場次第轉送次散錢到場逐一體問場監有所憚
而不敢私剋則民得實錢祖額將不期而自復五曰擇
監臨之官以善催趁夫場官之所職者催煎也其要在
預給工本趁晴速催有雨則止奈何晴明此限陰雨亦

此限施行全不中節權攝類非正官俸請亦不時給其志何在而能為公今若選委廉能官員切近講求隨宜興復更牒各州按月支俸則場官得人祖額將不期而自復六曰還產業之舊以固常心在法亭戶產業不許典賣今不特上岸水田典賣無餘而草蕩麥地坐落亭場初不煎鹽而止據其地今若出榜曉諭立限歸還則民有常產祖額將不期而自復故區區願以恤亭丁為急而未欲以復祖額為名復祖額之名一立必有趣辦於其下以愈耗根本者矣

議

清場規議

明韓浚

查兩浙產鹽三十六場國初立法聚團公煎丁蕩有額鍋盤有數鹽斤有限又置有稽煎稽賣等簿挈其綱維制其盈縮於以剔弊釐蠹法本至善邇緣滄桑遞變興廢頓殊故有昔稱多鹽而今坍沒殆盡者有昔稱無鹽而今斤鹵有餘者上徒執其舊牒下亦無裨實用兩相蒙也而猥云祖制未可更變夫民田民糧未始無祖制而均丈有法徭役有編或十年一清五年一審隨時裒

東修兩河鹽法志 卷十六
益天下便之至於場竈則猥云祖制莫之敢議以致產
鹽多者買補不盡悉展轉而歸私販產鹽少者買補不
足又守候而悞季掣向所謂稽煎稽賣等簿僅存故事
惰窳因循職誰之咎臣愚謂宜行令運司督率分司將
見在三十六場槩行清審如民田法如某場某團丁蕩
原額若干或坍損若干新漲若干鍋盤原數若干或廢
毀若干新增若干煎辦鹽斤原限若干或應減派若干
應加派若干務要據實查覈酌量增損即定爲額仍令
鹽場大副使督率煎辦據實登報臣衙門按季查考其

各場路有遠近地有險夷商惟私便是圖爭爲趨避而
不均之弊亦從此起臣愚謂自今以後宜責令運司通
計四所商人應派引目之數從公配搭務令場場有商
季季運賣畫爲一定之規不許擅自那改倘有有額無
鹽責在該司容臣衙門查實重處庶乎竈戶不得乘機
而通私販姦商不得借口而遲季掣此惟就其見在綱
維一釐正之所謂事半功倍者也

開濬白洋河議

明 吳 徐

本縣與海寧衛同一城池南四十里有澉浦所設立鮑

東修河海鹽志 卷十一
郎鹽場北四十里有乍浦所設立海沙鹽場衙門俱在海濱脈絡共相聯貫所恃通行其間使防汛無虞鹽貨無阻者專藉沿海舊有白洋河一帶爲之往來也祇因陵谷屢更以致涓流盡斷地方受病非止一端幸萬曆初撫院徐枋修築海塘奏准水利道駐劄海鹽深燭利病將南路至澉浦鹽司四十里地開濬自此上下一帶南行水路盡得流通其北路白洋河正擬興工值水利道陞任而止因循至今未終前局南北有偏枯之澤商竈含匪民之悲非一日矣愚謂南路河道種種利便備

載本縣新修海塘錄中若今北路之河爲便亦可枚舉土塘捍海在北每當潮溢之時鹽場竈場民田盡被其衝所損不少若開河取土築塘令之高厚內河可以分洩其流外塘可以捍禦其患縱有非常民不受害此爲一便乍浦所至海寧衛城不但彼中糧餉器械轉運爲難且官兵分番調守往來不便今開此河則船隻通行聲息易達以之守望防汛更爲得策此爲二便海沙場司正處河之中途兩頭鹽運頗費搬移河開則舟載不難涇河遞相灌注脚價旣省商賈川流樂趨不藉招徠

東修河治鹽課記 卷一
鹽課自益此爲三便土塘外爲沙埂內即竈場今開河築塘攔阻潮頭則塘外零星灰埂盡可曲引鹹流開塍澆鹵塘內荒蕪草蕩亦得蓄積淡水墾作田疇四十里之內所增鹽課又不知幾何此爲四便先此澈浦河道未通之時民病尪腫士鮮文學今開河後不但民無疾病亦又科甲連綿今乍浦一城何止萬家乃發科從無一人皆云氣脈不通致使天荒難破若得開濬河道將見風氣默回人文日盛不獨毓秀祇在鹽場行見興文徧於二所此爲五便惟茲五便衆所咸知祇因錢糧之

難辦姑俟時勢之可爲竊計興萬年之永利者不吝小費成天下之大事者不阻旁撓苟有利於生民又何難於工役查得南路白洋河四十里上河費銀三千六百一十九兩下河費銀五千有奇俱有卷案可考今比照銀數亦應相同本府海塘銀每歲徵貯七千兩在庫端備捍海之用屈指十年之內萬曆三十九年支銀四千八百兩天啟二年支銀二千九百兩築塘外其餘存貯尚多此河開濬原取夫造塘備海似應於此項錢糧支用或謂河通有裨鹽課則傍河竈佃皆可照田派工陂

東坡內法... 卷十一
司羨銀不難破例設處總之出自民力大工終屬畫餅
措之官帑何事不可立臻邑之商竈軍民望此舉已久
在大有爲者立斷而行之耳

書

減鹽價書

元葉知本

臣聞漢宣帝詔曰鹽民之食而價咸貴衆庶重困其減
天下鹽價漢時鹽價遠不可詳臣以爲必輕於唐也唐
之鹽價天寶至德間斗鹽十錢是兩文銅錢一斤自祿
山叛亂天下兵興肅宗命第五琦轉運江淮財賦始變

鹽法斗鹽增作一百一十是二十二文一斤至德宗急
於聚斂相盧杞用陳少游加賦於民斗鹽增至二百七
十召天下之民怨啟朱泚之亂階此則陳少游之罪也
順宗初立即減鹽價憲宗又減大貴不過五十文一斤
宋之鹽價比唐尤賤斤鹽八文貴至四十七文而止唐
宋用兵仰鹽供給其價不得不貴今天下一統四海息
兵無宿師轉餉之費萬邦貢賦俱入王府無用度不足
之憂而爲政者但思今日增鹽額明日增鹽價必欲困
竭江南之民財斲喪國家之根本臣不知其用心何如

也歸附之初鹽價中統鈔十二貫一引該錢三十文一斤至元十五年初定鹽額兩浙運司歲辦作二十二萬引當年辦至中統鈔二萬四千八百六十餘定至元二十四年桑哥作相減里虛擡鹽額作四十五萬引包辦以此諛罔朝廷營求運司此時兩浙人民尚富減里到任肆其威虐止辦得三十四萬八千餘引得中統鈔一十一萬八百七十餘定次年蒙都省明見減里虛誕奏減一十萬引定作三十五萬引為額以鹽價言之自十二貫為始一次增作十五貫第二次增作二十五貫第

三次增作一定矣唐時江淮鹽課四十萬緡代宗用劉晏善於經理初年二百萬緡至大曆年間歲得六百萬緡當時天下租賦歲入一千二百萬緡而鹽利居半六百萬緡準今一萬二千定也除淮鹽一百萬引外臣只以浙鹽言之已收唐時三倍之利比德宗時一歲租賦已有九百萬定之多至此亦可止矣大德年間又增鹽額十萬引又增鹽價十五貫至大四年又增鹽價十貫續又增二十五貫通作一百貫一引是官價二百五十文一斤也較之唐宋最重之價增多四倍民何以堪價

東修兩浙鹽法志 卷十六
既取二百五十文一斤官豪商賈乘時射利積塌待價
又取五百文一斤市間店肆又徼三分之利故民持一
貫之鈔得鹽一斤賤亦不下八百瀕海小民猶且食淡
深山窮谷無鹽可知陛下登極聰明睿智遠覽古今天
下臣民想望至治臣意前日聚斂之臣所為害民之政
陛下必能革除以結人心固邦本也皇慶二年忽又增
兩浙鹽額十萬引差撥竈戶害及附場百里外之民怨
忿亡身者有之延祐二年又增鹽價每引一定臣不意
陛下以聖明之君而左右大臣猶行此剝民之政也使

臣遇德宗盧杞之時臣不敢言今陛下聖學高明獨不
能如漢宣帝乎此臣所以惓惓有言臣願陛下痛減鹽
價使天下之民皆無淡食之苦然後選任運官設檢校
所限官豪買引復附場百里賣鹽另置魚鹽局以便海
島小民均撥灘場柴蕩以優恤新撥竈丁如此處置皆
太平快活條貫也願陛下行之

疏

應詔陳言疏

明 王朝用

竊惟天下財賦盡出於東南而鹽利尤為裕民之厚資

天下兵戈多在於西北而糧芻尤爲備邊之急務故以鹽糧召商報中謂之飛糧輓芻誠爲籌邊至計但引額原有定數而先後因革不同以臣愚見論之舊額之當復者其勢有六敢一一陳之兩浙行鹽地方浙江十一府并南直隸五府一州與江西廣信一府國初民間戶口猶少而竈丁亦不甚充足額鹽尚有四十四萬有零近來民間生齒漸繁而竈丁曠丁亦多不惟食者衆而辦者亦衆使不變而通之則民食日見不足竈課日見有餘欲禁其私販亦難矣此其當復者一也先年減半

折價解京者以濱竈瀕海易於辦鹽水鄉不諳煎燒易於辦價况辦鹽唯辦本色收貯日久易於消折折價解京亦一時優恤之權宜近年以來不特解京者折價存畱在場者亦多折價聽候給客蓋以竈丁便於輸納無消耗之累商人易於關支無守候之艱每年解京二十二萬二千三百八十四引有零每引折銀二錢三分七釐共該解銀五萬二千七百五兩有零若將價銀收畱運司額鹽盡數發邊開中就將前價一體給客收買則商人樂從竈戶稱便且每鹽一引計價四錢在邊倉已

東傳西泚區志卷之六
三
滿八萬八千九百五十三兩之數若併割算餘鹽價銀計之每一千引三場兼派又該銀一錢共該增解價銀二萬二千二百三十八兩有零較之折價解京增出五萬八千四百八十六兩此其當復者二也每年運司類解折色價銀到部戶部轉運發邊未免限于定期遲以歲月一時邊報緊急豈能濟事唯此鹽糧勘合人皆爭先趨赴匪徒神速抑且加倍驛遞免轉輸之苦道路無剽掠之虞此其當復者三也夫竈丁之煎辦猶農夫之耕種耕者所獲除完納稅糧之外自有通工易事之理

竈鹽既減半折解則納剩餘鹽豈可聽其消化而不爲變通之計哉當此之時商人欲收買而限於無引竈丁欲變賣而畏於犯法此與販之徒接踵而至發運之船成艖而來其勢有不得不然者大抵天下之利不歸于官必歸于私若官引不足而又於私販是禁恐淡不食鹽味夫豈人情所宜一旦爲人捕獲則又陷於法網夫犯法豈小民之得已哉此其當復者四也各處行鹽地方近來鹽價高貴一則由於上納價值之重一則由於照賣官引之少故利之所在人必趨之雖已嚴加禁治

東傳河漢縣志 卷之六
三

一旦遽難止息大抵源潔則流清此盛則彼衰若使引目既多則一年正商足以盡收竈丁之所獲各處官鹽足以備充民間之食用彼私販者何由用其力而施其謀哉不惟鹽價得平私販亦不禁而自止矣此其當復者五也自折價解京之後民食漸覺艱難故先該巡鹽御史有奏開殘餘鹽者有開賣空額引者又傍引私囚名色而召納者亦一時補其不足之權宜厚利所在多為勢要所有一奉先年明詔裁革殆盡近因執法者查理過嚴由是小商皆自危矣夫以裁革勢商為名是已

至究其實則有不盡然者利已歸於勢要而不可出害復及於小商而不能免財利之際易生嫌疑當事之人率多辭避孰肯加憐憫之意若使前引盡開小商何至此極此其當復者六也此額一復則民食自足私販易息邊儲充實國課不致於缺少商人得利竈丁可免於困極一事之舉可以兼數事之長乞除已前年分解過價銀到部者名為空額與例有礙不開外以後年分有額課鹽折納價銀存畱運司不必解京每引定價四錢盡數發邊開中前項價銀聽候商人賫執勘合倉鈔比

東修河海圖說卷之六十一
對相同一體支領買補掣銷仍照例嚴禁腹裏及京師
不得開賣以杜釁端則地方幸甚商竈幸甚

專職掌以全憲體疏

明朱冠

臣查卷內併見行事體仰質聖諭稍有乖違揆之憲體
亦多舛錯政出多門而所司苦於奉行事無底定而臨
事動相掣肘且如運司吏役往時叅撥起送俱屬巡鹽
衙門定奪近者乃屬之巡按衙門去年運司不得已而
爲兩請陞任巡按御史劉繹則曰照舊見任巡按御史
劉文莊則曰仍送考試迄今不得歸一至有巡鹽已問

革一吏又赴巡按辯理著役巡鹽欲問取一吏又稱巡
按比較未回以致姦吏得以夤緣文移難於稽考此其
不專一也又如各場鹽課官則督理竈則煎辦每丁有
額辦引數每日有限煎鹽斤不容一日悞者往時各衙
門但係牽連事情不得下場徑自提取果有干礙亦先
行移巡鹽衙門議處以此各場安靖官得盡職竈得專
力課不虧少近者各衙門不問事情輕重一概下場徑
自拘提且問斷之際視如秦越而所在羈縻甚至彌年
此其不專二也又如附近州縣人民或草蕩被其侵占

或竈丁被其隱藏總竈人戶赴運司呈告分豁即據該司呈稱各州縣官吏因與本司不相統攝凡遇提人問勘俱各執抗臣不免或行別衙門改勘或徑自提人文移重複歲月耽延是草蕩竈丁事干鹽法臣不得不專屬之運司而運司則不能行之州縣此其不專三也又如鹽徒有犯巡按亦要照詳擬議安得一律引鹽卷宗巡撫衙門每來弔取處分何得一定又查舊卷或商人之引目不明或經紀地主入役之交易作弊有現在巡鹽衙門問斷又赴巡按衙門告理有已經撫按衙門問

結却又赴巡鹽衙門控訴告狀之人少而問詞之官多此其不專四也臣竊惟天下之事一則治二則亂臣才力固知不堪於獨任又耻求借於衆人乞准今後運司吏役叅撥起送照舊聽臣考試使姦吏不得展轉行私各場官竈事干提取照舊行臣議處使鹽課不致於廢弛拖欠應問人犯各州縣仍有占恠者許運司得以提吏叅官鹽法事情各衙門不相干涉者不必混相管理如此則事體歸一所司不難於遵守職業有定臣愚亦便於設施矣

通鹽法以足邊儲疏

明 蔡 經

竊惟邊陲遐遠轉運爲艱故開鹽課使之見利則趨而糧餉易集奈何近日更張未定處置無經俾商人憚於上納邊蓄以之不充姑以其弊槩論之昔年鹽課有存積常股之法存積以備急缺而常股則以時開中當地方收成之候糧草價賤商人易於上納故一引之鹽常得二引之用定價每引不過三四錢而無處置科罰之費今則開中之期未必收成之候糧草價貴買納甚艱每引定價八九錢復有設處名色科罰多端乃至費銀

一兩五錢猶不足以周一引之用以故近日邊方具奏鹽引雖開而召商不至良由開中不時行取太過有以使之此則開中之弊一也昔年正額之外不許夾帶餘鹽凡有餘鹽必割沒之固未有餘鹽納價之說也其後所割餘鹽堆積既多而權豪之輩則指以官買爲名因而夾帶以謀大利侵害商賈於是始將餘鹽聽商納價然亦未有反多於正額之數也今則加添兩倍意欲即添引以照餘鹽而豈知引目多少視夫鹽課而鹽課多少則視竈丁之多寡鹽地之廣狹故必場有實鹽而後

東修河清縣志 卷之六
派以該場之引執引支鹽有如契券非場本無鹽而罔之以虛引也且如淮鹽正額不過七十餘萬引今乃添引一百四十餘萬是各場鹽不加多而額外之引乃兩倍之不知執此引而支鹽於何所哉邇者建議雖云聽其隨宜買補掣後納銀而商則終恐費本以中無鹽之引迄今相視莫敢投引又前次中納引一到司即得支鹽貨賣今於每引之外必加二引使其陸續收鹽乃與正鹽同掣非惟耽延歲月抑且資本不敷是欲餘鹽之通而反致正鹽之滯納價於腹裏而缺儲於邊方此則

添引之弊二也昔年鹽課清掣以時且前後相接價值常平近年巡鹽衙門多有引嫌避諉不肯依時親掣雖嘗委官亦有經年累月莫肯任事者以致停泊淹畱坐消資本遂使引鹽地方鹽不能繼價值騰湧此則遲掣之弊三也夫官鹽通則私鹽自息今有此三弊此官鹽所以不通邊儲所以不足而強橫射利者則結黨與販一遇追捕拒敵殺人擾害地方乞如臣等先次具題事理每年正月務派各邊但遇收成之時聽其召商照依原價上納本色糧草不許指以處置爲名妄加科罰及

東修河海鹽法志 卷一
至支鹽應掣則以船到之多寡爲清掣之期程如兩淮鹽多船至一百隻兩浙等處船至七十隻該司即便具呈巡鹽衙門委官清掣掣過船隻次數造冊奏繳以備查考至若添引事例雖已施行然有損無裨恐非立法之本意經久之良圖必須再行集議如其不便停之可也

條鹽政疏

明沈淮

一查給工本洪武中每竈一丁給與工本鈔二貫六十字以備器用以給口食當時鈔一貫可易米二石自鈔

法廢弛所謂工本者名存實亡臣觀沿海沙地及水深長蕩舊制畝稅鈔六十文竊意所給工本蓋此鈔也今諸場不復徵鈔已改收平米三升或五升官旣可以米而易鈔竈獨不可改鈔而給米乎乞查改徵蕩米照依原定鈔貫算給竈戶以充工本則器用備口食周民樂輸無怨矣一勘給草蕩灰場舊法竈戶皆有附近草蕩以供煎鹽柴薪約計所收價值可抵今一丁鹽課之半其後場司以竈丁屢易不復撥與俱爲總催豪右侵占或開墾成田收利入已仍於各竈名下徵收全丁額鹽

夫既無工本又無柴薪使竈丁白撰輸鹽立法初意豈若是耶又聞各場竈戶多無灰場往往入租於人始得攤曬夫灰場者產鹽根本與草蕩皆丁之命脉也乞委所司追取宣德正統以來草蕩舊數踏勘明白照丁撥派明立界限以防侵奪竈戶無灰場者官爲處置給與無使重納私租夫有米以爲之工本有蕩以給其柴薪而灘場又無納租之累如此而流亡不歸鹽課不充無是理也一分別濱海水鄉濱海竈戶謂之滷丁男婦俱諳煎曬倚以爲生雖勞不辭其水鄉遠在二三十里之

外原因濱海丁闕僉以補之然業非素習強而使之終無益於事也以是舊例水鄉每丁貼助滷米六石或四石代與辦鹽每歲滷丁到鄉陸續收取雖云貼米錢布雜物無所不受出者不覺其難收者各得其用甚良法也其後鹽司定立千百長名役令收水鄉鹽價騷擾侵漁而人始不堪矣知府樊瑩憫其若此請以鹽價均入秋糧帶徵起解原撥蕩價亦與各場徵收於是鹽課不虧逃亡復業後因濱海竈丁消耗復用水鄉僉補彊者規避而免弱者受侵而逃雖有補竈之名殊無辦鹽之

東修河海鹽法志 卷之六十一
實訪得沿海居民原非竈籍而私自煎鹽者往往有之
乞勅所司今後滷丁逃亡者即以此等居民僉補或犯
徒罪發充竈丁比之重役水鄉有名無實相去遠矣一
停止折徵成化間因各場無鹽給客每引折與銀三錢
比之中納其利十倍巡鹽御史林誠以爲歸利於商孰
若歸利於國奏將竈丁鹽課一半折銀解京一半存場
給客兩浙鹽政自此而大壞矣夫竈用以煎鹽爲業不
徵鹽而徵銀鹽非私鬻何自而得銀哉旣以私鬻得銀
則興販之徒不召而集况初給價銀非皆本色又且非

時竈丁貧者或先事而逃催目在者率併爲倍納歲消
月磨無慮十減六七矣欲利反害無甚於此伏乞特勅
運司自正德元年爲始停止銀兩照舊徵鹽則竈丁蒙
惠養之仁而私販之徒亦無所藉口矣一禁革賣引凡
支鹽引目不許中途增價轉賣舊例也近歲商人不利
關支而利售賣中鹽無名則駕之曰合本賣引有禁則
諉之曰分撥所賣之引無關支者又許買補連結牙行
公爲興販夫引旣非其本名鹽又不由倉領不謂之私
販而何又有豪猾之人假托權勢支領之際任自爲主

或併包夾帶私鹽或落價折準庫物官吏懾其聲威催
目受其凌虐乞自今凡遇開中委御史一員專察凡監
臨官吏詭名及勢要之人冒禁上納者許令究問商人
則令供報子姪或兄弟在官以便盤詰有仍前私賣及
假托者依法問罪鹽貨入官其所中納係存積者支與
見鹽係常股者亦急與催辦無令久候以啟倖心一存
恤竈丁夫刮沙汲海炙日熬波天下之工役未有如竈
戶之勞者蓬首墨肌灰臥糠食天下之人民未有如竈
戶之窮者加之有司與鹽司分爲兩家鹽司曰吾之竈

也知督鹽課而已有司曰吾之民也知徵賦稅而已其
督鹽課者雖百方箠楚有司不問也其徵賦稅者雖百
端取索鹽司不知也况濱海土地類多沙瘠比之水鄉
沃土大半不侔有司概與水鄉同加耗米至點均徭亦
不分肥瘠一例出銀查得浙江錢塘海寧竈戶各告巡
撫都御史蒙將竈丁全戶正糧並折金花銀兩錢塘海
寧與華亭上海同一浙西地也乞勅所司比二縣事例
將濱海竈丁量爲存恤訪求先年事例設法賑濟其餘
一應雜泛差徭悉與除免庶幾瀕海窮民無他係累得

以畢力事功雖勞不怨矣

覆兩浙餘鹽五疏

明 葉永盛

第一疏題為浙課甚微邊儲最重乞燭羣姦欺誑急行罷遣以裕邊計以保宗社事臣聞九邊者京師之藩籬儲餉者九邊之命脈故必九邊固而後京師安尤必儲餉足而後九邊固鹽法者所恃以餉九邊固藩籬以擁京師者也臣見近時羣小如田應璧吳應基等欺君妄奏致兩淮蒲解之間鹽法大壞方不勝扼腕幸而兩浙晏然無事乃近閱邸報見忠義右衛百戶高時夏一本

為遵照見行事理疏通鹽法裕課便商事奉聖旨這本奏內浙福等處鹽場累年積蓄鹽堆及壅塞引目疏通變價每年約有銀三十萬兩有裨國用准署浙江督理稅務內官劉成福建督理礦稅內官高竈不妨原務帶管彼處督率原奏官商土民前去會同各該撫按等官查理銀兩解進不許擾害地方欽此臣一見之不勝駭愕夫福建鹽利臣不能知請言兩浙浙課歲額解京銀一十四萬兩給邊商銀約九萬七千總計共二十三萬七千兩之數然此二十三萬七千者不盡出於鹽也內

沿海沙地之稅及竈戶丁口之稅諸項總計凡十四萬有奇其為鹽引紙價者約不過九萬而已夫以額課尚不過九萬而謂有餘鹽乃可獲一二十萬之多乎其為欺誑不待辨而明矣然使此課銀九萬者歲歲無缺猶可支給然而不能也兩浙行鹽共五十萬引行鹽之地僅十六府一州內杭嘉湖松紹寧台溫等八府皆近海出鹽之地彼小民近取諸海即可以供食肯捐囊金以買鹽乎雖刀鋸日加鞭扑日施欲官鹽之如數買銷此萬萬不能則所恃以完此九萬之課者僅金衢等七八

府彈丸之地而已夫行鹽之地既狹則買鹽之人自少以故引目壅滯而課銀往往短少解京不敷不得已而那借給邊商之銀以湊解致使邊商坐守四年尚未領價是現在課銀尚苦不給日凜凜有掣襟露肘之虞而謂此外復可得餘鹽銀一二十萬乎其為欺誑又不辨而明矣大抵行鹽止有此地方食鹽止有此人數縱使餘鹽果如山積而足食之外皆無所用亦必不能於額課之外復行餘鹽而况邇歲陰雨連綿竈戶煎辦不前商人坐場守支有年餘不得鹽者今諸姦乃云餘鹽如

東坡河漢縣志 卷之六
山堆谷積原此輩之意不過欲得皇上一俞旨輒分布諸場占據鹽利私賣私販任其縱肆各飽私囊不知此輩之計一行則額引盡行停閣引課盡行虧缺彼商人捐膏血以輸之九邊不遠萬里而來乃竟不得分毫鹽利而歸有挾貨掉臂而去耳誰肯復輸芻粟於邊哉夫邊無芻粟軍士奚食恐九邊之變不旋踵而起而籓籬既壞腹心併危禍且移之內地矣伏惟垂神三思加意邊儲將臣疏勅下戶部查議亟停高時夏等之遣庶鹽法不壞而饋餉充藩蔽無虞而內地固商民幸甚社稷

幸甚

第二疏為浙鹽餘積毫無妄奏大千祖制乞勅會勘以明虛實事項該忠義右衛百戶高時夏奏開浙福餘鹽山積變價歲可得三十萬臣聞報驚惶業已具疏賫奏其時未見原奏官條議尚未及詳斥其姦方在候旨未下復見高時夏又有條陳未議清理鹽法之奏奉聖旨這奏內合行事宜着浙江督稅內官劉成福建督理礦稅內官高案督率原奏官商土民各分所管地方會同撫按等官酌議而行欽此臣當靜聽會議何敢復贅顧

事關職守有不容默默已者據時夏條議疏中狂背無狀不可縷數姑摘其姦欺之大者爲皇上陳之臣查得大明律開一款凡犯私鹽者杖一百徒三年鹽貨並入官若知情故縱者同罪今時夏條議謂欲沿途盤詰凡與販無引私鹽者較其鹽數若干量酌小稅給票放行是私販者不杖不徒不沒官明知之而故縱之使私鹽公行官鹽將盡廢也有是理乎又查得大明律內一款凡將有引官鹽不於拘該行鹽地面發賣轉於別境犯界貨賣者杖一百其鹽入官今時夏條議謂有越境販

賣者照前私鹽例給票收稅是越境者亦不杖不入官反明給官票令之肆行使額引盡停而國課盡缺也又有是理乎夫大明律乃高皇帝親定後世人臣誰敢毫髮更易而况鹽課一節尤邊儲國計所關今時夏欲縱私販縱越境不知有大明律不知有皇上之法又不知有高皇帝舊制矣又據條議內欲將各場堆積等鹽招商變賣夫兩浙出鹽之地原少故額引不及兩淮四分之一加以邇時水旱不時竈戶逃竄海波衝決竈地傾頽鹽之所出日少故在窮竈則鹽未煎而先那商價以

東修內河圖志 卷之六
三

餉口在各商則引預告而待竈鹽以應掣東移西湊額
鹽尚苦不充又何從得餘鹽所有者不過商人價買之
鹽貯於各倉或貧竈煎熬之鹽候給與官商者耳時夏
輩豈不明知而敢為無影之奏無非欲僥倖明旨之一
降即分佈諸姦下場強霸或指官商已買之鹽為餘鹽
或指貧竈待賣之鹽為餘鹽廣招私販賣價烹分各厭
其腹耳此計一行則舉官商間關萬里之資盡為若輩
所奪勢必裹足遠去莫肯輸粟於邊而邊兵擾攘之禍
立見舉貧竈勤苦度日之需盡扼喉而奪之而海濱數

萬之衆無所控告勢必嘯聚跳梁而東南之事有不忍
言者矣臣查浙課除地丁稅之外僅九萬而餘鹽之數
視正額不啻加倍即使化土為金萬無充解之理時夏
既云餘鹽山堆谷積此則有目者所共見必不以囊袖
藏者乞即勅原奏官指引山堆之鹽在於何縣何所謂
鹽堆之上樹株茂密合抱森森者在於何處着令撫按
等官同臣及督稅內官看驗果如原奏官所云則欺君
之罪在臣臣甘伏斧鉞之誅如其果虛乞念邊防大計
祖宗二百餘年相守成規亟停搜括則鹽課不虧而儲

東作河海鹽法志 卷一
餉已足詎獨微臣及商民之幸實宗社無疆之休也
第三疏題爲浙鹽餘積毫無妄奏大違祖制乞勅會勘
以明虛實事萬曆二十八年二月二十日奉都察院劄
付該臣題前事等因奉聖旨原奏官高時夏等具奏浙
福二省餘鹽山積變價歲可得銀三十萬兩已有勅旨
着內官劉成高宋會同各該撫按等官酌議解進這本
說餘鹽絕無果否虛實還着內外官員公同查議明白
奏請定奪立限與他該衙門知道欽此欽遵移咨轉行
兩浙巡鹽御史會同巡撫併內官劉成遵照明旨內事

理查議明白定限三月內回奏施行到院奉此案行三
司從公會查要見兩浙額鹽若干歷年是否足額額外
是否有餘餘鹽有無山積近議行銳毀舊引有無窒礙
等因蒙此已經備行鹽法道併兩浙運司查議去後隨
據運使蘇養蒙呈稱兩浙四所每年額派引鹽四十四
萬四千七百六十九引內除溫州所引目二萬一千五
百八引隨到隨掣不開外今查杭嘉紹三所年額派引
四十二萬三千二百六十一引自萬曆十九年起至二
十八年春季止通計九年零一季共該掣銷引鹽三百

九十一萬五千六十四引今查歷年以來通共掣過三百九十二萬五千九百七十九引較之年額實欠掣六十八萬九千八十五引仍有額外預告未掣者共八季實計缺鹽通共九十九萬一千五百五十七引設使竈有餘鹽何不給賣於商而停引不掣商有鹽收又何不照引買運而困守數年餘鹽之無不待查勘而自明知有各場官攢印結歷歷可據再照引以行鹽鹽以銷引鹽既不足致額引之欠銷又欲廢引兼行將引目之益壅引既壅積致額課之難完又欲課外加增將額供之

益缺九邊從此枵腹商竈從此離散等因又准鹽法道右叅議林汝詔咨稱覆查無異會議相同等因到臣臣等猶恐不的復親往許村場逐一踏勘但見窮竈釜空灰冷極目蕭條毋論山堆谷積即稍有煎熬之鹽皆預那商價餬口鹽未出鍋而商人已守而索之矣正謂二月賣絲五月糶穀言之殊可酸鼻勘後臣復會同巡撫浙江都察院右副都御史巡按浙江監察御史內官監右監丞反覆叅酌查看得原奏官民所稱餘鹽者乃額外多餘之鹽也今查浙課四十四萬四千七百六十九

東作西泐 卷十一
引年年銷不及額積之九年共缺鹽九十九萬一千五百五十七引是額內方若不足額外何得有餘果有餘彼貧竈何不變賣救飢而甘心枵腹以待斃商人何不買收營利而甘心困守於數年餘鹽之無誠不待勘而可決者况臣等親臨踏勘絕無影響是鹽既無餘課難加額欲遂丐天恩停免但內官以爲明旨森嚴何敢以空文覆奏必欲多方設處以稱上心乃搜查運司積有遠年廢引計數一十五萬有奇謂可變價解進臣以爲引特一空紙耳有引無鹽即引如山積將安用之况廢

引數多一時並行則額引盡壅邊餉何供內臣必不肯已臣仰體聖意雖明知事體窒礙不敢不委曲允從乃聽內臣徧搜各場得見煎額鹽約可變價一萬五千餘兩將前廢引扣數給商完課解進外而內臣又執稱各省運司如河東兩淮之類皆有歲解額課欲比例措辦臣等以爲浙鹽原與他處不同他處之鹽或以風吹日晒而成不甚費人力浙鹽全賴煎熬人力百倍欲加額課商竈何堪似難比例內臣堅執不從臣勢不能強反覆計籌求所以措處之策不過曰裁省與加派二者而

東傳內清國史記 卷十六
已查得臣衙門諸役例有工食及出巡一切公費皆勢
之必不可無者臣爲鹽官若不躬自節省而徒加派於
商竈何以服輿人之心臣將前項逐一裁減約可得千
餘金再查濱海新墾地畝或地腴而稅輕或已熟而未
稅量行加派及天賜場新增鹽課併鹽牙稅銀共前四
項約六千兩此外將前扣餘廢引那借額鹽行賣足課
一萬兩廢引旣完即於各商照引加稅各竈照戶加煎
湊足前數共稅額一萬六千兩臣自謂殫竭心慮計盡
而無復加矣乃內臣復堅欲加課一萬兩湊額二萬六

千兩原內臣之意不過欲効勞皇上爲國課求增第課
愈多則加派愈重在商竈損此一萬不啻去骨中之脂
髓在內府增此一萬何足益滄海之分毫况鹽務關係
邊儲最爲重大區區兩浙煎鹽祇有此數增一萬國課
必減一萬邊儲積之數年當缺一年之餉異日九邊年
例不敷戶部復有內帑之請未免更煩聖慮則又不若
及今裁酌而畱不盡於邊儲之爲得也伏惟皇上垂神
三思容臣歲辦額課銀一萬六千兩准以本年三月初
六日勅書到日爲始按季徵解以濟大工俟工完日即

東坡全集卷之六十一
止則兩浙商竈雖不能盡徼停免之恩猶所謂寬一分得受一分之賜倘俞內臣所奏必欲歲額二萬六千兩臣藐爾犬馬誠不敢違天恐自此而商竈愈困邊計愈虧其害有不可言者惟聖明裁奪臣無任籲鳴祈懇之至

第四疏題爲會疏明旨未頻商竈離散可慮乞查近奏速賜允行以安人心以充國課事近因忠義右衛百戶高時夏奏稱浙福餘鹽山積歲可變價得銀三十萬兩已有勅旨着內官劉成高宋會同各該撫按等官酌議

解進這本說浙江餘鹽絕無果否虛實還着內外官公同查議明白奏請定奪立限與他該衙門知道欽此欽遵會同撫按內臣同將歷年掣鹽查算及親詣各場踏勘餘鹽委係絕無但明旨森嚴不敢以空文覆奏臣曲從內臣之議將運司銃廢引目變價一萬五千餘兩先行解進外復因歲課無辦議加派裁省諸項以湊額供之數在臣則議歲額一萬六千兩內臣則議歲額二萬六千兩撫按二臣則酌乎二者之間議額二萬兩已於四月十五日公同會稿具題迄今未蒙裁定續接邸報

東伯向涉鹽法志 卷十一
見內臣於本年二月間有條陳二疏至本月十三日奉
聖旨這奏內應行事宜遵照前旨會議而行毋虧原奏
銀兩額數亦不可困累地方原奏官高時夏領勅已經
四月如何尚未齊到爾便嚴查上緊奏來定奪不許容
縱該部院知道欽此皇上於臣等會疏則遲遲未允而
於內臣條陳之疏則有毋虧原奏額數之旨者以原奏
兩浙該課十五萬兩而臣等所議乃若是之少或以臣
等之勘議未必實而餘鹽絕無之說未必真耳夫兩浙
餘鹽之有無皇上誠不得而親見若夫浙課解部濟邊

歲止一十四萬載在會典其書見在御前夫舊課止一
十四萬兩而今新奏餘鹽之數乃至十五萬兩是餘鹽
比正課反加多一倍有餘矣即使將解部正課盡解進
內府尚缺一萬之數無從措處况部課係九邊年例急
如星火可盡解內府否乎部課十四萬既不可缺而奏
額十五萬又欲足數即粉商竈之骨能足乎不能足乎
且兩淮河東與兩浙同一鹽課也兩淮解部六十萬解
內府者近議一十二萬河東解部解邊共一十九萬八
千解內府者近議不及三萬是在兩淮則舊課十分新

東傳兩浙鹽課志 卷十六
進者止十之二耳河東舊課十分新進者尚不及二分
今兩浙若無虧原奏額數是舊課十分而新課尚溢十
分之外較之兩淮河東加重六倍矣臣非能神運鬼輸
如之何能充額也臣屢請明旨皆云無虧國課亦不許
妨損邊餉今若求足原奏十五萬兩則邊餉必至全無
不特妨損而已今兩浙商竈自去年十月聞報以來皆
紛紛傳言朝廷將加倍派徵不勝驚懼各欲棄業逃散
商不買竈竈不煎鹽已半載矣近因會議一疏人心稍
安倘皇上復欲無虧原奏額數則商竈驚惶如故將來

商必挾資遠去竈必流離思亂不獨內供無措部課無
出而海濱岌岌之勢且在目前矣此等景象皆內臣所
親見臣非敢有一毫虛妄以欺天聽也伏乞皇上俯念
浙課止一十四萬必難加倍查照兩淮河東事例併細
查臣等近日會議之疏叅酌聖心速賜批發明旨早降
一日則地方商竈早安一日臣等亦便於遵行而國課
邊儲兩無悞矣

第五疏題爲會疏未蒙裁定解銀未見賜收乞速降明
旨以定人心以便遵守事臣奉旨會議兩浙鹽課與撫

按內臣同日具疏上奏併先將廢引變價銀一萬五千二百五十兩付內臣隨疏解進迄今待旨三月有餘而會疏未蒙批發銀兩未見查收臣等不勝惶惑夙夜疑慮不知前銀竟置何地縱內臣以爲已解進內府而無明旨可憑臣等孰從而信之又查兩淮河東等處凡係鹽課皆荷聖慈軫念邊計並從寬恤獨兩浙會疏未蒙批發或者以原奏一十五萬而臣等所議太少故聖慈難之耶然臣等之議非漫無憑據乃查照兩淮河東事例而稍增損之者也兩淮解部者舊額六十萬近議解

內府者一十二萬河東解部濟邊者舊額十九萬有奇近議解內府者不及三萬屈指兩處之數大約舊課十分新課僅二分且有不及二分者浙課解部者舊額止一十四萬不惟不及兩淮亦不及河東內臣所議之數正與兩處事例相合臣等以浙鹽煎熬甚難尚欲求聖慈寬減若必照原奏之額取盈一十五萬是新課比舊額反多一倍有餘較之兩淮等處輕重苦樂天淵懸隔即粉商竈之骨萬萬無完理矣夫天下之商竈皆皇上之赤子天下之鹽課皆皇上之邊儲各處皆蒙寬恤豈

於兩浙而獨加倍追徵在聖明必不其然然聖斷一日未發則臣等一日無所遵守地方商竈即一日不得寧靜勢必廢棄逃竄轉而之四方此其關於國計民儲非細也伏望皇上查照兩淮等處事例及將臣等會疏叅酌多寡批允額數下部行臣以便遵守至於內臣已解銀兩有無收進內府明降聖旨俾臣等曉然共知庶渙汗頒而羣疑釋宸斷定而人心安國計邊儲並有賴矣

酌議天賜場事宜疏

明楊鶴

該前巡鹽御史張惟任案行蘇松道將復置天賜場場

官更始事宜從長酌議立法清查要見何地應歸竈戶辦課何地應歸民籍輸糧其立團聚煎之法稽煎徵課之規務使民竈相安可垂永久逐一覆議妥當開列條款具由一併呈報轉行蘇州府總巡同知郭堯濂前詣崇明縣會勘去後隨據該縣知縣袁夢鼈勘議具由通詳前巡鹽御史批蘇松道併勘詳奪去後該臣受事地方前案未結民竈紛紛訐告迄無寧日臣檄下道府速行勘明萬曆四十二年十二月蘇松道按察使俞維宇親歷其地仍委蘇州府推官安曦松江府推官吳之甲

一一踏勘明白議詳到道本道看得崇之爲邑起於唐武德間所謂黑蜃成雲處也其天賜址自宋天聖年湧出原名姚劉二沙嘉定間變爲滷地遂以天賜名場崇之有場自此始至我明弘治間馮夷作怪全沙淪沒刮煎之衆十七八九額課六百餘兩無從措辦該縣悉力招撫止存舊竈四十六家又單丁冷族力不能支嘉靖二十六年前鹽臣躬巡該縣僉民戶以充竈撥民蕩以補場庶幾救焚拯溺迨後海寇狂逞巢穴其間即撥而入於冊者復爲散去故隆慶元年將場官題革以課專

屬該縣議竈坍一畝撥補沙塗二十八畝蓋以坦稅每畝科銀四分有奇而塗每畝止科糧一釐五毫必二十八畝始足抵竈一畝坦少補多於是嗜利姦民郁鈍等七十八家靡不以竈爲奇貨矣見海邊一有漲塗輒以撥補辦課爲名乘機佃占侵至一千三百八十餘頃竈產增一尺民地減一尋鹽課加一分民糧損百分致排年一千一百戶紛紛冒竈僅存八百戶勢幾無民縣且無以自立知縣何懋官於萬曆八年查將郁鈍等弊產盡數追出均撥通縣課亦均輸各院詳允吏習民安行

東傳西海鹽法志 卷之六十一
之三十餘年法稱良矣前鹽臣所以復行題請者以郁
敦顯告稱天賜有鹽與青浦不同必不可有場無官也
節奉憲牌奉有明旨轉行該府縣終持兩可職初亦以
為竈有竈產民有民產民竈各不相關縣場各自為政
何復場之不可又思場之興廢一視鹽之有無昔既以
無鹽而裁今應以有鹽而設又何復場之非是直至季
冬按院巡臨崇明職追隨渡海躬行勘驗行未十里見
杖而扶挈而負蓬垢而鶉結者無慮數千萬人遮道於
前停車詢之萬口有詞叩其某為竈產某為民產則郁

敦顯向所冒為寧竈永竈安竈者皆附郭也皆民產之
腴田也即郁敦顯等室廬皆雜處其間桑麻徧野菽麥
盈疇溝洫之水直通城壕皆甘泉也一望而南沙上八
壠四十壠下接於海百里間盡為沃壤自均撥之後民
居稠密稱樂土矣無可煎銷之地也職又詰之地既不
鹽平日食鹽曷至衆謂北去二十五里為桃皮港此處
沙土稍鹹職隨輕輿至其地詢其土人惟時當亢旱滴
瀝可煮亦惟用食鍋濾土澄水五日可煮一鍋計日亦
僅可得工價二分如浹旬霪雨歎無鹽矣所出僅足供

東傳河海鹽法志 卷十六
一方之用欲資鄰封商販不能也在青浦以有官無鹽
欲移之於崇不知崇之無鹽與青浦等浙鹽色白惟淮
鹽青今自崇明太倉崑山嘉定各地方所食之鹽大半
皆青色則崇之無鹽也驗矣青鹽橫行而白鹽之引票
烏能無滯顧該縣鹽實無幾太倉崑山靖江三州縣商
人則願認引票寧多而不憚者此豈別有術以取盈乎
欲借引票為興販地耳緣該縣山前等沙咫尺海門候
潮揚帆來往瞬息各州縣商人一至崇明崇明土商牙
行為之居停或千或萬刻期可至彼此互相姦比一引

官鹽不鬻至十引私鹽不已也為今之計欲私販之屏
跡額課之無虧必將該場田蕩課銀照舊均派仍歸該
縣經理其原派太倉崑山靖江三州縣引票改派青浦
青村下砂等場天賜場免為議復著為一定不易之規
成億萬年靡爭之化所造福於海邦者不淺也等因到
臣臣查前後卷案自萬曆八年該縣均攤納課之後民
竈相安久矣前鹽臣原疏非欲動小民已成之業也止
謂該縣徧地產鹽自見銷引票三千有餘之外尚有不
盡之利故議復場設官不欲利歸私販耳臣細訪之三

東修河清縣志 卷十六
千有餘之引票各商越海買補從之如歸市者皆江北
淮鹽爲之餌也崇明產鹽固無幾也臣親詰問商人以
崇明鹽色青白商人親口吐稱見鹽買鹽不問青色白
色是明與私販爲市矣即見銷引票尚當改赴別場買
補庶可以杜越販之姦耳昔之海濱斥鹵之地小民歲
歲佃作已盡化爲膏腴之產以故六百餘金之課增而
至於三千五百兩者即此地也又安所得熬波煮海之
利耶即有新漲沙塗止宜責其陞課不必更責以前煎鹽
矣今竈戶之所以欲復場者爭此新漲沙塗也民戶之

所以不願復場者利此新漲沙塗也臣愚謂昔也場自
場縣自縣民竈分而爲二今也縣即場場即縣民竈合
而爲一但令國課有歸此課出於場可也出於縣亦可
也納課有人則以竈產與民可也謂民產即竈亦可也
此崇明海外之變體不宜與三十六場並論者也至於
場官之設青浦場旣革天賜場未復且錢糧皆歸有司
徵解總無用此贅員爲矣省事不如省官此之謂也伏
乞勅下吏戶二部再加酌議將天賜場照舊均攤納課
歸縣徵解見在場官著令赴部改選以後不必復除庶

東修河海圖志卷之六十一
鹽課有歸而官無冗設矣

永寬商竈疏

明楊鶴

臣奉命視鹺兩浙于役事竣故事報命之日率有條陳恭候聖明採擇臣愚無知識不能蔓引其說惟是通商恤竈兩言盡之按祖制兩浙每歲行引四十四萬四千有奇分派三十六場買補掣運浙直所轄食鹽地方賣銷蓋統計各場所產與各地戶口所食無餘無欠而立爲常法者也比時止有正引別無傍徑場之所產止以供四十四萬四千有奇之額故不患其不給民之所食

亦止有四十四萬四千有奇之鹽故不患其不通自嘉隆以來創行票鹽而引始困矣票之值廉於引票之售又速於引票之利常倍於引臣初受事心欲革之及查票鹽之設蓋爲產鹽地方正引不行利歸私販故假此以遏之自嘉靖十六年間台州因隔越山海商稱不便題准行票華上等縣復沿例以請國課取辦於票鹽者凡一萬四千四百五十兩有奇此外尚有各縣各場額課若止行正引餘鹽銀纔八萬尚不足抵邊商庫價勢固不能革也嘉靖季年倭警告急而竈戶息烟海若揚

東傳西漢書卷之六十一
卷之六十一
波而沙土傾瀉停引待鹽者已三四載餘鹽京解未嘗
停也故存司引目積而至於今日有一百五十萬之多
於是慮京解無策則預納之令下矣慮後引無告則執
程之令又下矣然法令愈嚴而引目愈壅於是前鹽臣
韓浚有帶銷之條昔之四十四萬四千有奇者今則五
十萬矣以四十四萬餘引爲常額派納餘鹽以其餘五
萬爲銷壅止銷引目謂不出三十年前壅可盡此亦疏
通引目之良法也乃各商謂今日挨掣之引係三年以
前已償邊價已納課銀之引即不速銷止虧商本無妨

國計且今日之報中止此四十四萬餘引今日之額徵
止此四十四萬餘引意欲復四十四萬餘引歲掣之舊
審如此則一百五十萬之積引何時始銷各商一時自
便之情固未可盡聽也然昔之壅壅在引而今之壅壅
在鹽食鹽之地有定限產鹽之場不加多一歲四掣前
掣未完後掣接踵住賣者未銷運發者又至則閭閻得
以操徵賤徵貴之權而商賈不能收子母三倍之利亦
其勢也於是鞭笞之令日下季掣之遲自如緩之則病
國急之則病商臣初到地方一意寬恤已而季掣愆期

東傳河清縣志 卷之六 五
始嚴行督責提比綱紀各商幸完六季乃各商之鹽實在停積行鹽地方未盡賣銷也意者於帶銷五萬餘引之中大爲除減庶各商之力少紓而季掣之期自在或亦疏通之一術乎內商之掣摯旣通則邊商之引目亦易售此亦一舉兩得者也臣所謂通商者此也以竈戶言之洪武中每竈一丁給與工本鈔二貫六十文以備器用給口食當時鈔一貫可易米二石竈丁之優裕可知今無有矣祖制每丁煎鹽給有灰場以資攤曬有草蕩以供樵採草蕩所收之值歲可抵一丁鹽課之半不

稱苦也其後貧富不齊力不能煎辦窮者餬其口於四方場蕩沒入於總催豪右之手或開墾成田收利入己猶於各竈名下徵收全丁課銀曰此額課也即轉徙他鄉而課必不可免故有賣妻鬻子以償課者有終身不娶有生子溺死恐貽竈丁之累者窮竈之苦尚忍言哉每遇五年清丁清蕩之期名爲清丁矣單丁獨戶卒未嘗豁也清蕩矣豪強兼併卒莫之問也蓋竈戶之清丁蕩非如有司編審之法委官清理不過責成於場官場官不過聽命於場霸團保攢書皆因緣爲姦滋狡兔之

三窟者耳其豪有力者人人得遂其影射之私寂不復言而其敢怒而不敢言者皆疲癯愚懦之竈丁必不能自達其隱者也臣銳意欲一清理之而不值清丁清蕩之期行之恐滋多事輒復中止此臣之所隱痛於心者也臣查得嘉興分司蘆瀝場總催之役僉派最爲不均本場豪戶蕩連千畝而反脫役小竈苦無立錫而竟陷催富者收蕩之利而避催之役貧者躬催之役而無蕩之利甚有民戶勢宦不畏令甲明佃竈蕩僅代納課而蕩去丁存之竈資身無策復令照丁當催役苦費煩賒

死無路據該場竈戶趙志奎等呈稱願行照蕩僉催之法臣檄下所司行之臣又查得松江分司六場浦東下砂等場墩蕩各不下數萬每丁課銀止納一錢三四分有奇獨袁浦一場風坍海嘯原額之蕩止存六十餘畝額課不減每丁實納課銀四錢有奇以一司之場分多寡懸絕苦樂不均一至於此據竈戶翁亨等紛紛呈告懇臣具題以甦偏苦其阻撓者謂祖制各場各有定額臣思以松江一司之場均松江一司之課即如民間以一縣之錢糧攤派於一縣與祖制有何違背且今日之

浦東下砂等場安保無滄桑之變異日之袁浦場又安知不高岸爲谷深谷爲陵耶臣竊謂一場之中納課不均者宜倣袁浦場之法行之其勢家豪族有以民戶占種竈產者或係世遠人亡或係丁盡竈絕但令國課有歸自可相安無事臣令長安時外縣寄莊人戶比本縣田糧起科少別所以暗補本縣丁差似宜少倣其意彼旣以民戶種竈產量加錙銖包補竈課可也至清丁清蕩之年必定委賢能有司會同分司官著實清查一洗宿弊如杭嘉寧紹溫台皆有場有竈之處鹽臣巡歷地

方不過少費時日盡將竈戶喚集公庭按籍唱名延問疾苦則承委之官自不敢朦朧了塞場官場霸攢書人等自不敢高下其手矣查得先年竈戶報出新漲沙塗量與陞稅然有增則有減此長則彼消總之足課而止蓋海濱斥鹵之地爲利幾何與其取之在官不若畱之在民此正理也臣所謂恤竈者此也兩浙商竈自萬曆二十七年姦弁高時夏妄奏不得已行廢引一十五萬加稅十五年共徵銀五十五萬五千兩而商竈之脂膏殆盡今奉詔蠲稅之後如病羸之人生意奄奄纔有起

色此亦去藥石而用梁肉慎起居以復元氣之時也臣何敢不盡言於明主之前哉如果臣言不謬伏乞勅下該部覆議將前鹽臣所題每年帶銷五萬餘引之數量銷一萬其五年清丁清蕩著實奉行務令一司之中通融一司之課一場之中通融一場之課一團之中通融一團之課至民戶占種竈產者於常課之外量加包補新漲沙塗之稅即以抵坍塌地蕩之課庶幾商販得以疏通窮竈永霑實惠矣

恩詔已蠲浮課乞賜全免疏

明 崔爾進

臣惟兩浙產鹽自加徵浮課以來一方商竈如在水火正課日虧鹺政大壞前鹽臣楊鶴有商竈一時並困之疏復經戶部左侍郎臣李汝華覆題乞將二十七年所增新稅盡數蠲免恭遇聖母賓天我皇上仰遵慈諭特渙恩赦內一款云各運司浮課除三十四年免過外惟河東兩浙進鹽長蘆過路落地生熟鹽等稅困累商民各該巡鹽御史具奏及本部題覆者俱准蠲免欽此詔下之日一時人心歡若更生在事諸臣出示曉諭盡行蠲免遵奉已五閱月矣及臣代差入境忽於十月二十

八日接得邸報見有織造太監劉成減稅已奉恩詔一疏奉聖旨這奏內各運司浮課先年已經蠲免其兩浙等處鹽課銀兩還著巡鹽御史即行運司亦准免三分之一徵解該監類總恭進應用不得煩瀆抗違該部院知道欽此臣不勝駭然夫浮課云者溢於正額外之謂兩浙歲額原止一十四萬五千兩而乃於外多徵三萬七千兩此非即明旨所謂浮課者乎前鹽臣楊鶴瀝血抽誠爲商竈請命以求盡免此非即明旨所謂各該巡鹽御史具奏者乎戶部據此覆請盡免此又非即明旨

所謂本部題覆過者乎况明曰兩浙進鹽曰困累商民曰俱准蠲免德音之布炳若日星而成突生枝節故意背違不曰浮課而曰鹽課不曰蠲免而曰減稅不曰遵行已久而曰涉疑曰揣摩不曰浮課即係進鹽而曰進鹽非即新稅遂致已免者復徵試詰成以舍此三萬七千兩之外更有何者爲浮課其何辭以解也再詰成以三十四年兩浙免過者的爲何項又何辭以解也古稱王言之出如綸如綍又曰信如四時乃今五月之前奉旨俾得盡免五月以後復奉旨徵三分之二毋論人之

剝削不堪愈增怨苦而變更不常人難憑守他日一切大政事大號令何以風行草偃以成畫一之治蓋不惟褻朝廷大體抑且釀海內隱憂况浮課之困累商民聖心已洞燭之矣兩浙原無巨商大賈其本資多者不過百金次者數十金又其次則肩挑負販易米延生所以引之外有大中小票之別零星瑣屑利如蠅頭邊商居秦晉絕塞跋涉數千里中納守支更稱艱苦不幸遇姦弁高時夏一啟利端而廢引行矣邊商每引扣銀二分四毫內商扣銀四分矣因而欠庫價至三十餘萬墮引

日至一百五十萬齎投勘鈔者羈候五年預納餘鹽者株守三載或飢寒困斃猶追監其子孫或銳沒自甘至蕩盡其恒產兼之地方災饉頻歲相仍今年夏既苦水秋復苦旱稻皆生蟲鹽難煎辦臣入境時啼號小民貧窶商竈一路見之不覺酸鼻及至武林而控訴者常至萬人此何等時而猶欲敲骨吸髓乎臣又查兩浙歲額常股存積鹽共該四十四萬四千餘引分為四季告掣當在仲月掣完當在季月今年止春季完耳夏秋冬三季則全無所有是引目已虧大抵引目虧則額課欠額

課欠則邊餉缺臣方日夜焦勞寢食俱廢以求疏通而受事方始成遽有此舉故相阻撓上負朝廷之德意下危商竈之身家近壅正課之引目遠紕邊疆之饋餉臣鹽臣也事關鹽政則當言且關兩浙之鹽政則當竭力以言伏乞皇上垂念東南杼軸久空將浮課三萬七千兩仍賜全免且正成以朦朧欺誑之罪庶商竈尚延旦夕之命臣得借以料理鹽務而軍國大計不至大壞而極敝矣

勅修兩浙鹽法志卷十六上終



